



醫學正傳卷之三

唯山文庫

春翠文庫

佐山重致

痢

嘔吐

噎膈

飢逆

吞酸

嘈雜噯

痞滿

腫脹

積聚

虛損

勞極

醫學正傳卷之三目錄

○痢門七

論 脉法

丹溪方法凡四十條

芍藥湯

黃芩芍藥湯

黃連湯

芍藥黃連湯

大黃湯

香連丸

益元散

神効參香散

丹溪活套

祖傳和中飲

經驗三根飲

經驗二防飲

禁口痢法

已試醫驗一條

○嘔吐門八

論

脉法

丹溪方法凡十條

藿香安胃散

和中桔梗湯

木香散

荆黃湯

檳榔散

清鎮丸

白朮湯

金花丸

紫沉丸

小半夏湯

生薑汁半夏湯

藿香平胃散

胃苓湯

黃連六一湯

丁香附治中湯

加味二陳湯

丁香安胃湯

茯苓半夏湯

丹溪活套

已試醫驗一條

○噎膈門九論

脉法

丹溪方法凡十條

瓜蒌實丸

寬中進食丸

人參利膈丸

丹溪活套

祖傳潤腸膏

大力奪命丸

又經驗方

已試醫驗二條

○飢逆門十二論

脉法

丹溪方法凡六條

陳皮竹茹湯

橘皮半夏生薑湯

六君子湯

丹溪活法

經驗灸飢逆法

○吞酸門二十論

脉法

丹溪方法凡七條

藿香安胃散

加減二陳湯

三因麴朮丸

祖傳治吞酸方

○嘈雜暖門二十論

脉法

丹溪方法凡八條

三聖丸

木蓮丸

軟石膏丸

麴朮丸

○痞滿門二十論

脉法

丹溪方法凡二條

厚朴溫中湯

木香順氣湯

痞挾瘀血方法

七氣湯

大消痞丸

失咲丸

消痞湯

黃連消痞丸

黃芩利膈丸

丹溪活套

已試醫驗一條

○腫脹門四十二

論 脉法

丹溪方法凡八條

禹餘糧丸

絜矩三和湯

紫蘂子湯

木香順氣湯

中滿分消丸

廣木潰堅湯

半夏厚朴湯

破滯氣湯

草苳寇湯

葶藶木香散

白朮木香散

葶藶膏

二氣散

牽牛丸

三花神祐丸

鷄屎醴飲

丹溪活套

祖傳鷄屎醴

又經驗方

經驗挑奴丸

自己試醫驗二條

○積聚門五十二

論 脉法

丹溪方法凡六條

三聖膏

琥珀膏

阿魏丸

大溫中丸

小溫中丸

婦人腹中有塊說

一方治婦人血塊

又治婦人血塊如盤

凡痞塊在皮裏膜外方

倒倉法凡上皆丹溪法

廣木潰堅湯

半夏厚朴湯

三因散聚湯

大七氣湯

千金硝石丸

局方妙香丸

導氣枳殼丸

木香三稜丸

草苳菝丸

肥氣丸

伏梁丸

痞氣丸

息奔丸

奔豚丸

○虛損門六十二論

脉法

丹溪方法一條

老人調養方

四君子湯

四物湯

八物湯

六君子湯

十全大補湯

大補陰丸

補陰丸

加味虎潛丸

滋陰大補丸

補腎丸

補天丸

六味地黃丸

人參固本丸

人參膏

補中益氣湯

益胃升陽湯

濟生芪附湯

參附湯

濟生茯神湯

補氣湯

千金延壽丹

斑龍丸

桂枝加龍骨牡蠣湯

祖傳心虛手振方

已試醫驗二條

○勞極門二十論

脈法

丹溪方法

凡四條

蓮心散

青蒿飲子

白蠟塵方法

鬼哭飲子

天靈蓋散

射香散

取虫神仙方

神授散

禁方無比丸

又取勞虫方

紫河車丹

虛勞柴胡散

治虛勞驚甲散

貫衆丸

治勞嗽輕骨散

治勞嗽哈哂散

治勞熱蛤蚧飲子

古今治驗五蒸湯

丹溪活套

灸勞瘵崔氏四花穴法

醫學正傳卷之三目錄終

新編醫學正傳卷之三

花溪恒德老人虞搏天民編集

姪孫虞守愚惟明校正

痢十七

論

內經曰澀而便膿血知氣行而血止也愚按下文

也。蓋一澀字，澀即尿也。澀澀而便膿血者，言病因也。蓋血因氣滯而大小二便俱不利耳。氣行而血止者，言治法也。故河間闡明其說，所謂和氣則後重自除，而用木香、枳殼等藥以和之，即此意也。

河間曰：行血則後膿自愈，和氣則後重自除。又曰：後重則宜下，腹痛則宜和，身重則除濕，脈弦則去風，膿血稠粘以重藥竭之，身冷自汗以熱藥

溫之風邪外束宜汗之驚漉為痢宜溫之又曰
在表者發之在裏者下之在上者湧之在下者
竭之身表熱者內疎之小便澁者分利之又曰
盛者和之去者送之過者止之兵法云避其來
銳擊其惰歸此之謂也夫古方以瀉痢滾同論
治朱紫混淆殊不知瀉屬脾而痢屬腎也丹溪
曰先水瀉而後膿血者此脾傳腎賊邪難愈先
膿血而後水瀉者此腎傳脾微邪易愈是皆先
哲之格言以為後學之繩墨醫者其可不詳究
乎

脈法

脈經云腸澼下膿血脈沉小流連者生洪大數身
熱者死又曰腸澼筋攣脈小細安靜者生浮大
而緊者死

方法

丹溪方法凡
四十二條

丹溪曰痢赤屬血自小腸來白屬氣自大腸來

○原病式曰痢為濕熱甚於腸胃怫鬱而成其病皆
熱証也俗以痢白為寒誤也如熱生瘡癩而出
白膿可以白為寒乎陰陽水火一高則一下一
盛則一衰若以白為寒赤為熱則兼赤白者乃
寒熱俱甚於腸胃之間而為病乎况下迫窘痛
小便赤澁而痢白者必多有之為熱明矣世有

用辛熱藥而愈者蓋辛甘發散熱主出行故病微者則鬱結開通氣和而愈若病甚者鬱結不開其病轉加而死矣故治痢者必用寒以勝熱苦以燥濕微加辛熱佐之以為發散開通之用如此固無不效者

○仲景治痢可下者率用承氣等湯加減下之大黃之寒其性善走佐以厚朴之溫善行滯氣緩以甘草之甘飲以湯液灌滌腸胃滋潤輕快積行即止局方用砒丹巴礪類聚成丸其氣兇暴其體重滯積氣已行而毒氣未消猶暴賊手持兵刃使之徘徊瞻顧於堂奧之間縱有愈病之功

而腸胃清純之氣寧無損傷之患乎可溫者乃用姜附溫之局方例用熱藥為主滋藥為佐用之於下利清白者猶可其裏急後重經所謂下迫者皆屬火熱所為加以澁熱之劑非殺而何○初得一二日間元氣未虛必推蕩之此通因通用之法用大承氣湯或調胃承氣湯下後看氣血調理氣用參朮血用四物五日後不可下此亦言之氣血虛者雖一二日亦不可下實者十餘日後亦有下之而安者

○腹痛以白芍藥甘草為君當歸白朮為佐惡寒者加桂惡熱者加黃柏

○腹痛因肺金之氣鬱在大腸之間以苦梗發之後

用痢藥一云實則可下虛則以苦梗發之

○初下痢腹痛者用溫藥姜桂之屬切不可驟用參朮縱氣虛胃虛皆不可用

○後重者積與氣墜下之故兼升兼消尤當和氣木香檳榔九保和丸之類

○身熱挾外感者不惡寒用小柴胡去人參發熱惡寒身首俱痛此為表證宜微汗和解加蒼朮川

芎陳皮芍藥甘草生薑煎服愚每以上二方併而治痢之挾外感

者亦多獲奇效也

○發熱不止者屬陰虛用寒涼藥必兼溫藥升藥

○大孔痛肚門因熱流於下也木香檳榔芩連加炒

乾姜

○仲景法治大孔痛一曰溫之一曰清之若久病身

冷自汗脉沉小宜溫之暴病身熱脉洪大宜清之

○下血者宜涼血活血當歸黃芩桃仁之類或用朴

硝有風邪下陷宜升提之蓋風傷肝肝主血故

也有濕傷血宜行濕清熱

○濕熱下痢小便澁少煩渴能食脉洪大而緩腹痛

後重桂苓甘露飲送下保和丸二三十粒

○濕多熱少脾胃不和食少腹痛後重夜多利下胃

苓湯送下保和丸二三十粒

○氣虛面色痿黃或枯白色人疲倦痢頻併痛後重

不食脉細弱或微汗時出黃芪建中湯送下保和丸二三十粒

○濕熱為痢不渴者建中湯加蒼朮茯苓下保和丸
○脾胃不和食少腹脹痛後重脉弦緊平胃散加芍藥官桂葛根白朮茯苓下保和丸

○下痢血氣大虛腹痛頻併後重不食或產後得此證用四君子湯加當歸陳皮下保和丸二三十粒

○下痢白積者用芍藥湯加白朮陳皮甘草滑石枳仁
○下痢赤積身熱益元散加木通炒芍藥炒陳皮白朮煎湯送下保和丸加黃芩九

○久下痢已數日不能起床不食疲弱之甚者用人

參錢半

白朮錢一

黃芪錢半

當歸錢七

芍藥錢一

炙甘草分三

御米殼醋炒分五

地榆分五

木香分三

縮砂分五

陳皮錢一

升麻分三

白荳蔻仁分三

澤瀉分五

右細切作一服水一盞半煎至一盞去粗溫服

○如下墜異常積中有紫黑血而又痛甚者此為死血証用挑仁細研及滑石行之

○血痢久不愈者屬陰虛四物為主

○下痢如豈汁者濕也蓋脾胃為水穀之海無物不

受常兼四藏故有如五色之相染當先通利此
迎而奪之之義如虛宜審之

○古方用厚朴專為行凝滯之氣滯氣稍行則去之
枳殼雖少緩亦不宜久服只以陳皮和藥可也
○古方多用粟穀治嗽與痢但要先出病根乃收功
後藥也

○如力倦氣少惡食此為挾虛証宜用白朮當歸身
尾甚者加入參陳皮補之虛回而痢自止

○如久痢體虛氣弱滑泄不止亦當以澁藥止之訶
子肉荳蔻白礬半夏牡蠣之類擇而用之然須
以陳皮為佐恐太澁亦能作疼又甚者須灸天

樞氣海

取穴法見
前霍亂門

○如痢已減十之七八穢積已盡糟粕未實用炒芍
藥炒白朮炙甘草陳皮茯苓煎湯下固腸丸二
三十粒此丸性燥澁有去濕實腸之功若滯氣
未盡除者不可遽用

○如痢後糟粕未實或食粥稍多或飢甚方食腹中
作疼以白朮陳皮二味煎湯和之自安

○如氣行血和積少但虛坐努責此為無血證倍用
歸身尾芍藥生地黃而以桃仁泥佐之陳皮和
之血生自安

○如痢後脚弱漸細小用蒼朮二兩白芍藥龜板各

二兩半黃栢五兩粥糊丸以四物湯加陳皮甘草煎湯送下

○禁口痢胃口熱甚故也用黃連人參煎湯終日呷之如吐則再強飲但得一呷下咽便好又用田螺搗盪臍中以引下其熱胃中熱結當開以降之人不知此多用溫藥其味以火濟火以滯益滯也亦有誤服熱毒之藥犯胃者當推明而祛其毒用糞蛆焙乾為末清米飲調下一錢匕甚效

○多有時疫作痢傳染相似宜推明運氣之勝復以治之

○小兒痢疾用黃連黃芩大黃甘草煎服赤痢加桃仁紅花白痢加滑石末同煎

○一小兒八歲下痢純血作食積治蒼朮白朮黃芩白芍藥滑石茯苓甘草陳皮神麩煎湯下保和丸

○凡下痢純血者如塵腐色者如屋漏水者大孔開如竹筒者唇如珠紅者俱死○如魚腦髓者身熱脈大者俱半死半生經所謂身涼脈細者生身熱脈大者死是亦大槩言之耳不可一途而論也

○一方治熱痢血痢用大黃黃連黃芩黃栢枳殼白

芍藥川歸滑石甘草桃仁白朮等分神麩糊丸
如梧桐子大每服五六十九白湯下

○青六九治血痢神効

○温六九治痢及水瀉皆効已上方並見泄瀉門

○固腸丸治濕熱下痢大便下血去腸胃陳積之後
用此以燥下濕而實大腸

檉根白皮不拘多少切略炒

右一味研為細末米糊為丸如梧桐子大每服
三五十九陳米飲送下或用炒芍藥炒白朮炙
甘草陳皮茯苓煎湯下

○芍藥湯行血則便膿自愈和氣則後重自除此藥

是也

白芍藥錢二 當歸尾 黃連 黃芩各一錢

大黃分七 甘草 檳榔 木香

挂心各五分

右細切作一服水一盞半煎一盞空心服○如
初病後重窘迫甚者倍大黃加芒硝一錢○如
痞滿氣不宜通加枳實一錢○如藏毒下血加
黃栢一錢

○黃芩芍藥湯治瀉痢腹痛或後重身熱久而不愈

脉洪數者及膿血稠粘者

黃芩 芍藥各二錢 甘草一錢

右細切作一服水一盞半煎至一盞溫服腹痛甚加桂二分稍熱服之

○黃連湯治大便後下血腹中不痛謂之濕毒下血

黃連當歸各二錢

右細切作一服水一盞半煎至一盞去粗溫服

○芍藥黃連湯治大便後下血腹中痛者謂之熱毒

下血

芍藥 川歸 黃連各一錢半 大黃三分

桂心一分半 甘草三分

右細切作一服水一大盞煎七分溫服

○大黃湯治痢久不愈膿血稠粘裏急後重日夜無

度脉沉實人不甚困倦者或初得腹痛甚者窘迫不安者

大黃兩一

右細切作一服用好酒二大盞浸半日煎至一

盞半去粗分作二服頓飲之如痢未止再進後

服後以芍藥湯和之又再服黃芩芍藥湯以徹

其邪此乃蕩滌邪熱之劑用酒煎者蓋欲其上

至頂巔外徹皮毛也

○香連丸治下痢膿血赤白相雜裏急後重

黃連二十兩用吳茱萸十兩二味各以酒拌濕同炒去茱萸

木香四兩八錢不見火

右為細末醋調麩糊為丸如梧桐子大每服三五十九清米飲送下○一方加石連肉半斤治禁口痢尤佳

○益元散謂此為治痢之聖藥也其功不能盡述

桂府膩白滑石

粉甘草一兩

右二味共為極細末每服三錢白水調無時

○神効參香散治痢疾日久穢積已少腹中不痛或微痛不後重窘迫但滑溜不止乃收功之後藥也

粟殼

去穢帶醋炙一兩二錢

陳皮一兩三錢

肉荳蔻

麩裏煨四錢

茯苓

皮去

白扁豆

炒各四錢

木香

人參各一錢

右為細末每服一錢七清米飲調下食遠

○丹溪活套云痢疾乃外感兼內傷之候也須分表裏治之在表者必惡寒發熱身首俱痛宜以小柴胡湯去人參棗子加蒼朮川芎陳皮生芍藥微汗以散之在裏者必後重窘迫腹痛下積早宜以大小承氣河間酒煎大黃湯之類下之餘邪未盡更以芍藥湯香連丸之類以徹其邪穢積已盡而更衣未息者此大腸不行收令故也宜以固腸丸參香散之類以止澁之禁口者須詳証按法調治切不可輕用粟殼肉荳蔻訶子之類以試之殺人於反掌之間也但凡痢證不

問輕重若邪氣正盛而以粟殼之類止遏之雖不死亦成休息痢二三年不能愈也又不可輕用巴豆牽牛等熱毒之藥攻之蓋病因熱毒又得熱毒之劑以火濟火不死何待

○祖傳經驗秘方和中飲治痢疾不分赤白久近服之無有不効者但發熱噤口不食者不可服

陳皮

白朮

茯苓

芍藥各一錢

草菓仁七分

甘草三分

陳倉米二錢

砂糖三錢

粟殼醋炙半

烏梅一箇

右細切作一服加生薑三片大棗一枚水二盞煎至一盞去粗溫服

○經驗三根飲治休息痢年久不愈者其効如神

五倍木根

蒼耳草根

臭椿木根剉取皮

各等分細切每服七錢重加生薑三片大棗一枚大黑豆三十六粒糯米四十九粒水二盞煎至一盞去粗溫服

○經驗二防飲治痢後不謹感冒寒濕或涉水履霜以致兩足痛痺如刀割虎咬之狀膝臏腫大不能行動名鶴膝風此藥神効

人參

白朮

黃芪各一錢

甘草炙半錢

川歸

川芎

芍藥

熟地黃各一錢

防風

防已

羌活

牛膝各七分

杜仲

姜汁拌炒 草薺

各一

附子

童子尿浸三日去皮 臍七分 冬月一錢

右細切作一服加生姜三片大棗二枚水二盞煎至一盞去粗空心溫服

○仁齋云下痢噤口不食者雖曰脾虛蓋亦熱氣閉

隔心胃間所致也俗用木香則失之溫用山藥

則失之閉惟真料參苓白朮散加石菖蒲末以

道地粳米飲多辛陳倉溫調下或人參茯苓石

蓮子肉入些少菖蒲為末與之胃次一開自然

思食

其參苓白朮散本方該有宿砂或小入木香見內傷門

○一子年將五十夏秋間得痢疾月餘服藥而少愈穢積已但盡糟粕不食晝夜五六次入廁兼脫

肛不安又半月諸藥不效予記祖傳一方用池

塘中鱉一箇如法修事多用生姜米糲作羹入

沙糖一小塊不用鹽醬熟煮喫一二碗三日不

登廁大腸自此實矣肛門亦收而不脫夫此證

蓋因脾土受虛致肺與大腸俱失化源之所滋

養是故大腸不行收令也此母能令子虛耳鱉

乃介虫屬金而有土性溫能補脾肺又况肺惡

寒先得苓連等寒涼之味已多今用生姜之辛

以補肺金用砂糖之甘以補脾土肺氣既實其

大腸亦隨而實故得以行收令也故其功效如

是之驗焉

論

嘔吐

十八

內經曰諸嘔吐酸暴注下迫皆屬於火東垣曰夫嘔吐噦三者俱屬於胃胃者趨司也以其氣血多少為異耳嘔者陽明也陽明多血多氣故有聲有物氣血俱病也吐者太陽也太陽多血少氣故有物無聲血病也噦者少陽也少陽多氣少血故有聲無物氣病也河間曰胃膈熱甚則為嘔火氣炎上之象也吐證有三氣積寒也皆從三焦論之上焦在胃口上通於天氣主納而不出中焦在中脘上通天氣下通地氣主腐熟水穀下焦在臍下下

通地氣主出而不納是故上焦吐者皆從於氣氣者天之陽也其脉浮而洪其證食已即吐渴欲飲水大便燥結氣上衝胃而發痛其治當降氣和中中焦吐者皆從於積有陰有陽食與氣相假為積而痛其脉浮而長其證或先痛而後吐或先吐而後痛治法當以毒藥去其積檳榔木香行其氣下焦吐者皆從於寒地道也其脉沉而遲其証朝食暮吐暮食朝吐小便清利大便秘而不通治法當以毒藥通其秘塞溫其寒氣大便漸通復以中焦藥和之不令大便秘結而自愈也外有傷寒陽明實熱太甚而吐逆者有內傷飲食填塞太陰以致

胃氣不得宣通而吐者有胃熱而吐者有胃寒而吐者有久病氣虛胃氣衰甚聞穀氣則嘔噦者有脾濕太甚不能運化精微致清痰留飲鬱滯上中二焦時時惡心吐清水者宜各以類推而治之不可執一見也

脈法

脈經曰嘔而脈弱小便復利身有微熱厥者難治跌陽脈浮者胃氣虛寒氣在上噯氣在下二氣相爭但出而不入其人即嘔而不得食恐怖即死寬緩即瘥

脈陽緊陰數其人食已則吐陽浮而數亦為吐

其

寸口脈緊而芤緊則為寒芤則為虛虛寒相搏脈為陰結而遲人則噎關上脈數其人則吐脈弦者虛也胃氣無餘朝食暮吐暮食朝吐變為反胃寒在於上醫反下之令脈反弦故名曰虛寸口脈微而數微則無氣無氣則榮虛榮虛則血不足血不足則胃中冷故吐

方法

丹溪方法凡一十條

丹溪曰胃中有熱膈上有痰二陳湯加炒梔子姜炒黃連生薑煎服

○凡嘔吐者切不可下逆之故也

○有久病吐者胃氣虛不納穀也生薑人參黃芪白

反作胃反

噯脈作噯

木香附治之凡痞滿短氣而嘔宜補中氣止可

用調中益氣湯

○肝火出胃逆上嘔吐抑青丸方見

○夏月嘔吐不止五苓散加姜汁入湯調服

○吐虫而嘔用黑錫炒成灰擯榔末米飲調服

○惡心吐清水者有熱有痰有虛皆用生姜隨証佐

藥治之

○胃中有熱者二陳湯加姜汁制炒黃連黃芩挾虛者加入參白朮又云胃虛弱嘔者二陳湯加砂仁藿香白朮

○痰飲為患或因多食生冷脾胃不和以致嘔吐惡

心或頭眩或胃脘懊懣不快或發寒熱二陳湯加丁香烏梅生薑煎服心下痞而痛者加草薢寇仁

○痰熱惡心嘔吐氣盛者導痰湯加縮砂姜炒黃連竹茹

○藿香安胃散治胃氣虛弱不能飲食時時嘔吐惡心者

藿香 人參 陳皮各一 丁香半

右細切作一服水一盞煎至七分溫服

○和中桔梗湯治上焦熱氣上衝食已暴吐脉浮而洪宜先和中

桔梗半一錢

半夏麩二錢

陳皮去白一錢

枳實麩炒黃一錢

白茯苓一錢

白朮半一錢

厚朴姜汁拌一錢

右細切作一服水一盞半煎至一盞去粗取清汁調木香散二錢空腹服三服後氣漸下吐漸止然後去木香散加芍藥二錢黃芪一錢半煎服病愈則已如大便燥結食不盡下以大承氣湯去芒硝微下之再服前藥補之如大便復結又依前微下之

○木香散

木香

檳榔

間河

各等分爲細末前藥調之服

○荆黃湯治暴吐上焦熱氣所衝脉浮而洪者

荆芥穗錢五

人參半二錢

甘草錢一大黃半一錢

右細切作一服水二盞煎至一盞去粗調檳榔

散二錢空腹服

○檳榔散

檳榔錢三

木香半一錢

輕粉少

右爲細末用前藥調服爲丸亦可用水浸蒸餅

丸如小荳大每服二十九食後服

○青鎮丸治上焦吐頭痛發熱有汗脉弦

柴胡去蘆二兩

黃芩半七錢

甘草錢五

間河

間河

問河

半夏五錢 青黛二錢 人參五錢
右為細末姜汁浸蒸餅為丸如梧桐子大每服五十九丸生薑湯送下食後服

○白木湯治胃中虛損及有痰而吐者

半夏五錢 白木二錢 檳榔二錢

木香一錢 甘草一錢 茯苓二錢

右為細末每服二錢生薑湯調下食前服

問河

○金花丸治吐食脉弦者肝乘於脾而吐乃由脾胃之虛宜治風安脾

半夏湯泡七次一兩 檳榔二錢 雄黃一錢

右為細末姜汁和蒸餅為丸如梧桐子大小兒

問河

九如黍米大生薑湯送下從少至多漸加服之
止以吐為度無羈絆於脾故飲食自下

○紫沉丸治中焦吐食由食積與寒氣相假故服而吐

痛宜吐此藥服

半夏麩二錢 烏梅肉二錢 代赭石三錢

杏仁研去皮尖另 砂仁三錢 丁香二錢

沉香一錢 檳榔二錢 木香一錢

陳皮五錢 白荳仁半錢 白朮一錢

巴荳霜另研半錢

右為細末入巴荳霜和勻醋麩糊為丸如黍米大每服五十九丸食後生薑湯下吐愈則止小兒

別九如芝蔴大治小兒食積吐食亦大妙

○小半夏湯治陽明傷寒不納穀而嘔吐不已者

半夏

湯泡七次一兩

生姜二兩

右細切水三盞煎至一盞去粗分作二服服之

○生姜汁半夏湯治胃中似喘不喘似嘔不嘔似噦不噦徹心憤憤然無奈者

半夏

湯泡七次一兩

右細切水一盞半生姜自然汁半盞同煎至一

盞溫服仲景曰嘔多雖有陽明證慎不可下孫

思邈曰嘔家多服生姜乃嘔家之聖藥也氣逆

者以辛散之故以生姜為主治之

○藿香平胃散治內傷飲食填塞太陰嘔吐不已

藿香

一錢

厚朴

姜制一錢

蒼朮

半錢

陳皮

一錢

甘草

炙三分

砂仁

半錢

神麴

半錢

右細切作一服加生姜五片大棗一枚水一盞

半煎至一盞去粗溫服

○胃苓湯治證同前

平胃散加五苓散加姜棗水煎服之

○黃連六一湯治因多食煎煇燒餅熱麪之類以致

胃脘當心而痛或嘔吐不已漸成反胃

黃連

六錢

甘草

炙一錢

右細切作一服水一大盞煎至七分去粗溫服

方局

○丁香附治中湯治胃傷寒冷之物致心腹疔痛而嘔

噦不止

人參五分

白朮一錢

乾姜一錢

陳皮

青皮

丁香各一錢

附子二錢

右細切作一服加生姜五片大棗二枚水一盞

半煎至一盞去粗溫服

○加味二陳湯治胃中有伏火膈上有稠痰時當胃

口作痛及惡心吐清水不快

陳皮去白

半夏炮一錢半

茯苓一錢

甘草炙三分

梔子炒一錢

黃連姜汁拌炒一錢半

川芎一錢

白朮一錢

乾姜炒半錢

蒼朮一錢

香附一錢

牡荊子炒另研一錢半

東

挾虛者加入參一錢
右細切作一服水二盞加生姜三片煎至一盞
稍熱服如胃口痛甚入生姜自然汁一合和勻服

○丁香安胃湯治嘔吐噦胃虛寒所致

丁香半錢

吳茱萸一錢

草薹一錢

黃芪二錢

人參一錢

炙甘草半錢

柴胡半錢

升麻

當歸身

陳皮各半錢

黃柏二分

蒼朮一錢

右細切作一服水一大盞煎至七分食前溫服
○茯苓半夏湯治脾胃虛弱身重有痰惡心欲吐風邪羈絆於脾胃之間當先實其脾土

東

白朮錢一

茯苓錢一

半夏錢一

炒麩錢一

橘紅分七

天麻分七

麥蘖麩炒黃色一分

右細切作一服水一盞半加生姜五片煎至一盞熱服

○卅溪活套云胃中有熱膈中有痰令人時常嘔吐清水作噎氣吞酸等証用二陳湯加姜炒黃連梔子蒼朮川芎香附砂仁神麩山楂少加木香以行滯氣加姜水煎服○久病虛者加入參白朮○胃寒者加益智草荳蔻乾姜桂心之類去黃連梔子又甚者加丁香附子○如脇痛或脾痛右關脉弦嘔吐不已此木來土之分也本方

加入參白朮升麻柴胡青皮芍藥川芎砂仁神麩之類○如時常吐清水或口甘不喜食冷涎自下而湧上者此脾熱所致也本方加白朮芍藥升麻炒黃連梔子神麩麥芽乾生姜或丸或煎皆可○如時常惡心吐清水心胃作痛得食則暫止飢則甚者此胃中有蛇也本方加苦練根史君子煎服即愈或用黑錫灰槓榔末等分米飲調下

在城黃氏婦將年三十產後因食傷致胃虛不納穀四十餘日矣聞穀氣則惡心而嘔聞藥氣亦嘔求予治予曰藥不能入口又將何法以治之

乎懇求不已遂制一方用人參白朮茯苓各一錢甘草二分陳皮藿香砂仁各五分炒神麩一錢十年以上陳倉米一合順流水二大白盞煎沸泡伏龍肝研細攪渾放澄清取一盞加姜棗同煎前藥至七分稍冷服此藥遂納而不吐別以陳倉米煎湯時時與之日進前藥二三服漸能喫粥而安後以此法治十數人皆驗

噎膈

十九

論

內經曰三陽結謂之膈子和云三陽者大小腸膀胱也結謂熱結也小腸熱結則血脈燥大腸熱結

則不能圓膀胱熱結則津液涸三陽既結則前後閉塞下既不通必反而上行所以噎食不下縱下而復出也此陽火不下降而上行也故經又曰少陽所至為嘔湧溢食不下此理明矣又先哲論膈噎反胃大率以血液乾槁其或咽喉窒塞食不能下其槁在吸門或食下則胃脘當心而痛須臾吐出食物可下良久復出其槁在賁門此皆上焦之膈噎也其或食物可下良久復出其槁在幽門此中焦之膈噎也其或朝食暮吐暮食朝吐其槁在蘭門大小腸之間此下焦之膈噎也雖然亦有斯須輕病而為醫所誤者丹溪論之詳矣謂夫氣之初病其端

其微或因些少飲食不謹或外冒風雨內傷七情
或食味過厚偏助陽氣積成膈熱或資稟充實表
密無汗或性急易怒相火上炎以致津液不行清
濁相干惟氣之為病或痞或痛或不思食或噫腐
吞酸或嘈雜痞悶醫者不求其本便認為寒遽以
辛香燥熱之劑投之時暫得快以為神方厚味仍
前不節七情反覆相侵舊病被劫暫開濁液易於
攢聚或半月或一月前證復作如此延蔓自氣成
積自積成痰此為痰為飲為吞酸之由也良工未
遇謬藥又行痰挾瘀血遂成窠囊此為痞為痛為
嘔吐膈噎反胃之次第也醫者尤謂虛而積寒非
尋常草木可療竟以烏附助佐卅劑專意服餌積
而又也血液俱耗胃脘乾槁其槁在上近咽之下
水飲可行食物難入間或可入食亦不多名之曰
噎其槁在下與胃為近食雖可下難盡入胃良久
復出名之曰膈亦曰反胃大便秘小若羊屎然名
雖不同病出一體又曰噎病生於血乾血陰也陰
主靜內外兩靜則藏府之火不起而金水二藏有
養陰血自生腸胃津液傳化合宜何噎之有醫者
當知此意不可妄以燥熱之劑以火濟火則何以
異刺人而殺之也慎之慎之

脈法

脈經曰寸脈尺澁其人胃滿不能食而吐吐止者
為下之故不能食設言未止者此為反胃故尺
之為微澁也

脈作胃反

寸口脈緊而芤緊則為寒芤則為虛虛寒相搏脈
為陰結而遲其人則噎關上脈數其人則吐脈
弦者虛也胃氣無餘朝食暮吐暮食朝吐變於
胃反寒在於上醫反下之令脈反弦故名曰虛
跌陽脈浮而澁浮則虛澁則傷脾脾傷則不磨朝
食暮吐暮食朝吐宿穀不化名曰胃反脈緊而
澁其病難治
脈濡而小血不足 脈大而弱氣不足

於脈作

方法

丹溪方法凡十一條

丹溪曰大率屬血虛氣虛有痰

戴氏曰氣虛者脈必緩而無力血虛者脈必數而無力痰者寸關脈必沉或伏而大有氣滯結者寸關沉而澁

○張鷟峯曰噎當是神思間病惟內觀以自養可安
此言深中病情

○屎如羊屎者不治

大腸無血故也

年高者不治

年五十餘則不

可治矣戴氏曰氣血俱虛者則口中多沫但見沫大出者必死不治

○治法用童便韭汁竹瀝姜汁牛羊乳一本有氣虛
入四君子湯血虛入四物湯切不可用香炒藥
宜薄滋味

○一法用黃連三錢姜汁炒山查肉二錢保和丸二錢
同為末糊丸麻子大胭脂胚子為衣人參湯入
竹瀝下五十九

○一方用馬鮑兒燒存性陳米湯調服加野田瓜此
書馬剝
兒甚也

○一云馬鮑兒燒存性一錢好棗肉四枚平胃散二
錢溫酒調服食即可下然後隨病源調理

○一方用吳茱萸黃連貝母瓜萎子牛轉草丸服

○一方用韭汁二兩牛乳一盞生薑半兩搗汁和勻
頓服効

○有氣結者用開導之劑有陰火上炎者作陰虛治

有積血者當消息去之韭汁能下膈上瘀血
○古方用人參以補肺御米以解毒竹瀝以清痰乾
姜以養血粟米以實胃蜜以潤燥姜以去穢有
治寒者必為當時有實因於寒者用之也挾寒
者間或有之今人悉因痰氣又誤於醫傳變而
成其無寒也明矣

方局

○瓜蒌實丸治膈噎胃膈痞痛徹背脇喘急妨悶

瓜蒌實去壳
另研枳殼去穢
炒半夏湯泡
七次

桔梗炒各
一兩

右為細末姜汁米糊為丸如梧桐子大每服五
十九生薑湯送下

東垣

○寬中進食丸滋形氣喜飲食方見內傷門

○人參利膈丸治膈噎胃中不利大便結燥痰嗽喘

滿脾胃壅滯推陳致新治膈氣之聖藥也

木香 檳榔各七錢半 人參 當歸

藿香 甘草 枳實各一兩

大黃酒濕蒸熟 厚朴姜製一兩

右為細末滴水為丸如梧桐子大每服五十九
溫水下

○卅溪活套云凡膈噎反胃悉用二陳湯加姜汁竹

瀝童便韭汁之類為主治○如胃中覺有熱悶

本方加土炒黃連黃芩瓜蒌仁桔梗之類○如

血虛瘦弱之人本方合四物湯少加杏仁泥紅

花童便韭汁之類仍不可缺○如飲酒人本方

加砂糖驢屎入內服○如朝食暮吐暮食朝吐

或食下須臾即吐者此胃可容受而脾不能傳

送也或大小腸秘結不通食返而上奔也本方

加酒蒸大黃桃仁之類以潤之脾不磨者本方

多加麥蘖麩神麩之類以助化之○如氣虛肥

白人膈噎者本方合四君子湯亦加竹瀝姜汁

為要藥也○有因七情鬱結成氣噎者本方加

香附撫芎木香檳榔括婁仁砂仁之類○凡膈

噎大便燥結用大黃乃急則治其標之劑也仍

用四物湯加童便韭汁多飲牛羊乳為上策也
但不可以人乳代之蓋人乳內有飲食烹飪之
火及七情之火存於中故不可代服也

○祖傳經驗秘方潤腸膏治膈噎大便燥結飲食
良久復出及朝食暮吐暮食朝吐者其功甚

捷

新取威靈仙四兩搗汁四月開花者

生姜四兩搗汁

真麻油兩

白砂蜜四兩煎沸

右四味同入銀石器內攪勻慢火煎候如錫時
時以筋挑食之一料未愈再服一料決效

○經驗大力奪命丸治膈噎不下食及翻胃等証

杵頭糠

牛轉草各半斤

糯米一斤

右為細末取黃母牛口中涎沫為丸如龍眼大
入鍋中慢火煮熟食之加沙糖二三兩入內丸
尤佳

○一方治噎膈久不納穀者

隔年炊飯乾不拘多少

右一味以急流順水煎煮糜爛取濃汁時時與
之待能食後以調脾進食生血順氣之藥調治
而安

○酥溪金賢九里年五十三夏秋間得噎證胃脘痛
食不下或食下良久復出大便燥結又黑瘦殊

甚求予治診其脉右手關前弦滑而洪關後略沉小左三部俱沉弦尺帶芤予曰此中氣不足木來侮土上焦濕熱鬱結成痰下焦血少故大便燥結陰火上衝吸門故食不下用四物以生血用四君子以補氣用二陳以祛痰三合成劑加姜炒黃連炒枳實括萎仁少加砂仁又間服潤腸丸或服升瀉墜痰丸半年服前藥百餘貼病全安

○梅林駱氏婦予妻孀也年四十九身材略瘦小勤於女工得膈噎証半年矣飲食絕不進而大便結燥不行者十數日小腹隱隱然疼痛求予治

診之六脉皆沉伏予以生桃仁七箇令細嚼杵生韭汁一盞送下片時許病者云胃中略見寬舒以四物湯六錢加括萎仁一錢桃仁泥半錢酒蒸大黃一錢酒紅花一分煎成正藥一盞取新溫羊乳汁一盞合而服之半日後下宿糞若干明日腹中痛止漸可進稀粥而少安後以四物湯出入加減合羊乳汁服五六十貼而安

饒逆

二十

韻書饒與饒通氣上逆作聲之各也古方皆以饒為效逆諸書又多誤以效為效逆係真人又誤以饒為效逆亦有書為吃逆者皆誤也

論

內經曰諸逆衝上皆屬於火升瀉曰饒病氣逆也

以其氣自臍下直衝上出於口之名也東垣謂
火與元氣不兩立又謂火為元氣之賊古方悉
以胃弱言之而不及火且以丁香柿蒂竹茹陳
皮等劑治之未審孰為降火孰為補虛人之陰
氣依胃為養胃土損傷則木來侮之矣謂之土
敗木賊也陰為火所乘不得內守木挾相火之
勢故其氣直衝清道而上言胃弱者陰弱也虛
之甚也病者見此似為危證依正法而治之者
尚不能保其一二而况誤醫者乎雖然亦有因
實而為飭者不可不審或因飲食大過填塞胃
中而氣不得升降者或有痰閉於上火起於下
而氣不得伸越者有為傷寒熱病陽明內實過
期而失下清氣不得升濁氣不得降以致氣不
宣通而發飭者凡若此者皆實證也醫者宜專
心致意察審虛實而調治之不可妄為處治以
夫人之天年也幸甚

脉法

脉浮而緩者易治弦急而按之不鼓者難治
脉結或促或微皆可治 脉代者危
右關脉弦者木乘土位難治

方法

丹溪方法
凡六條

丹溪曰大率有痰有氣虛有虛火上衝視有餘不

足治之

○痰與食在上者吐之入參蘆稀涎散之類

○不足者補之入參白朮煎湯下大補丸

○痰用陳皮半夏氣虛用人參白朮陰火用黃連黃

栝滑石或吐或補隨證施治

○飢逆自利滑石甘草黃栝芍藥入參白朮陳皮加

竹瀝服

○痢疾發餒用人參白朮煎湯調益元散頻服自止

○陳皮竹茹湯治傷寒餘熱未解氣虛發餒

甘草錢一 人參錢二 陳皮去白三錢 青竹茹錢四

右細切作一服加生姜三片大棗一枚水煎服

○橘皮半夏生姜湯治氣虛有痰發餒

陳皮 半夏 乾生姜 人參

通草各一錢

右細切作一服水一盞半煎至一盞去粗溫服

○六君子湯治痰挾氣虛發餒

陳皮錢一 半夏半一錢 茯苓錢一 甘草錢一

人參錢一 白朮半一錢

右細切作一服加大棗二枚生姜三片新汲水

煎服

○卅溪活套云凡傷寒發餒有四証不可不辯有中氣不足脉虛微氣不相續而發餒者宜用補中

益氣湯加生朮散黃柏也降虛火或少加附子服之立愈有陽明內實失下而發飢者宜大承氣湯下之而愈有滑而飲水大過成水結胃而又發飢者宜小陷胃湯或用小青龍湯去麻黃加附子治水寒相搏發飢大妙有傳經傷寒熱証醫者誤用姜桂等熱藥助起火邪痰火相搏而為欬逆者宜用黃連解毒白虎湯及竹瀝之類治之

○祖傳經驗灸欬逆法

乳根二穴直乳下一寸六分婦人在乳房下起肉處陷中灸七壯即止其効如神

又氣海一穴直臍下一寸半灸三七壯立止

東陽李氏子病傷寒陽明內實醫與補藥治而成發飢十日後召予診其脈長而實大与大承氣

湯大下之熱退而飢亦止

盤松周氏子得傷寒証七日熱退而飢連擊不絕

甚以補中益氣湯作大劑加炮附子一錢一日三貼兼與灸乳根氣海三處當日便止脈亦充

而平

吞酸 二十

論

內經曰諸嘔吐酸皆屬於熱惟李東垣獨以為寒誠一偏之見也河間原病式曰酸者肝木之味也由火盛制金不能平木則肝木自甚故為酸也如

飲食熱則易於酸矣是以肝熱則口酸也或言為寒者但謂傷生冷硬物而喜噫醋吞酸故俗醫主於溫和脾胃豈知人之傷於寒也則為病熱蓋寒傷皮毛則腠理閉密陽氣怫鬱而為熱証故傷寒熱在表而以麻黃湯熱藥發散使腠理開通汗泄熱退而愈也凡內傷冷物者或但陰勝陽而為病寒或寒熱相搏怫鬱而為病熱亦有內傷冷物而反病熱得汗泄熱退身涼而病愈也或微而止為中酸俗謂之醋心法宜溫藥散之亦猶傷寒解表之義若久喜酸不已則不宜溫宜以寒藥治之後以涼藥調之結散熱去則氣和矣所以中酸不宜

脈法

食粘滑油膩者謂能令氣鬱不通暢如食物在器覆蓋蒸而自酸宜食粉食菜蔬能令氣之通利也曰寒曰熱於斯明矣學者詳之

方法 冊漢方法
凡七條

○菜連丸

吳茱萸 去梗湯泡
浸半日 陳皮 去 黃芩 陳壁土炒
各五錢
黃連 土炒
一錢 蒼朮 米泔浸
七錢半

右為細末神麩糊丸如菘豈大每服二三十九
津唾嚥下一方菜連二味隨時令寒熱送為佐

使寒月倍菜莢
熱月依本方

蒼朮茯苓為補助湯浸蒸餅為小丸吞之

○治酸必用菜莢順其性而析之

○食鬱有痰二陳湯加南星黃芩之類

○加味平胃散治吞酸因食鬱所致

生料平胃散加炒神麩炒麥芽姜棗同煎

○酸味宜節厚味必蔬食自養則病易安

○吐清水用蒼朮陳壁土炒茯苓滑石炒白朮陳皮煎服

○參芩丸上可治吞酸下可治自利又云治濕而氣

東

滯者濕熱甚者用之為鄉導

六一散一料吳茱萸一兩右為飯丸服

○藿香安胃散治脾胃虛弱飲食入胃嘔吐作酸不

待腐熟

藿香 丁香 人參各二錢半 陳皮五錢

右為細末每服二錢加生姜水煎溫服

丹

○加減二陳湯治痰飲為患嘔吐頭眩心悸或因食

生冷硬物脾胃不和時吐酸水

丁香半錢 半夏 陳皮各二錢半 茯苓一錢

甘草七分 右細切作一服加生姜三片水煎服

○三因麩水丸治中脘宿食留飲酸蝨心痛吐清水
神麩炒三 蒼朮米泔浸砂仁一兩陳皮一兩
右為細末生姜汁別煮神麩糊為丸如梧桐子
大每服七十九姜湯送下

○祖傳經驗治吞酸方

用黃連吳茱萸各一兩右以黃連細切同茱萸
以井花水浸七日去連將茱萸焙乾每日清晨
以米湯下四十九粒

嘈雜噯氣 二十二

論

內經曰胃為水穀之海無物不受若夫濕麵魚腥

水菓生冷以及烹飪調和粘滑難化等物恣食無
節朝傷暮損而成清痰稠飲滯于中宮故謂嘈雜
噯氣吞酸痞滿甚則為翻胃膈噎即此之由也夫
嘈雜之為證也似飢不飢似痛不痛而有懊懣不
自寧之况者是也其證或兼噯氣或兼痞滿或兼
惡心漸至胃脘作痛痰火之為患也治法以南
星半夏橘紅之類以消其痰芩連梔子石膏知母
之類以降其火蒼朮白朮芍藥之類以健脾行濕
壯其本元又當忌口節慾無有不安者也

脉法

右寸關脉緊而滑 兩寸弦滑胃中有留飲

寸脈橫者膈上有橫積也○右關弦急其者木乘土位欲作胃反難治

方法冊溪方法凡八條

卅溪曰此為食鬱有熱炒梔子姜炒黃連乃必用之藥也

○肥人巨二陳湯少加撫芎蒼朮白朮梔子

○若濕痰氣滯不喜食用三補丸加蒼朮倍香附

○三聖丸治嘈雜神效

白朮兩四

黃連錢五

橘紅兩一

右為細末神麴糊丸如葶苈大每服五十九津唾下或姜湯下

○朮連丸治嘈雜

白朮兩四

黃連兩四錢

右為細末神麴糊丸如黍米大津唾下

○軟石膏丸治噎氣嘈雜

南星炮製

半夏湯洗

軟石膏

煨

香附

童便浸透

梔子炒

右各等分為細末粥丸如梧桐子大每服五十丸姜湯下

○麴朮丸治中脘有飲則嘈宿食則酸

方見吞酸門

○大抵嘈雜是痰因火動令人心嘈似飢非飢有積

有熱也宜用山梔子黃連姜炒為君南星半夏陳皮為臣熱多加青黛若食鬱有熱梔子與姜炒黃連不可無

痞滯

二十三

論

內經曰備化之紀其病痞又曰太陰所至為積飲痞膈夫痞滿之證東垣論之詳矣謂太陰濕土主壅塞乃土來心下為痞滿也傷寒下之太早亦為痞滿乃寒傷榮血而然心主血邪入於本故為心下痞仲景以瀉心湯用黃連瀉心下之土邪功效甚速非止傷寒為然至於酒積雜病下之太過亦作痞滿蓋下多則亡陰也亡陰者謂脾胃水穀之陰亡也故胃中之氣因虛而下陷于心之分野故心下痞宜升胃氣以血藥兼之若全用利氣之藥導之則痞尤甚痞甚而復下之氣愈不降必變為

中滿鼓脹皆非其治也又有虛實之異如實痞大便秘者厚朴枳實主之虛痞大便秘者芍藥陳皮主之如飲食所傷而為痞滿者宜消導其胃中窒塞之氣上逆兀兀欲吐者則宜吐之所謂在上者因而越之是也學者宜詳究焉

脈法

脈經曰痞脈浮緊而下之緊反入裏因作痞脈濡弱弱反在關濡反在顛微反在上溢反在下微則陽氣不足溢則無血陽氣反微中風汗出而燥煩溢則無血厥而且寒陽微不可下下則心下痞堅

右關脉多弦弦而遲者必心下堅此肝木冠脾土

舒氣不舒則痞

丹溪曰痞滿與脹滿不同脹滿內脹而外亦形痞

則內覺痞悶而外無脹急之形也蓋由陰伏陽蓄氣血不運而成位心下之中填痞滿塞皆土邪之所為耳有因誤下裏氣虛邪乘虛而入於心之分野有因食痰積不能施行而作痞者有濕熱太甚土來心下而為痞者

○用黃連黃芩枳實之苦以泄之厚朴生姜半夏之辛以散之人參白朮之甘溫以補之茯苓澤瀉

之醜淡以滲之大槩與濕同治使上下分消可也

陳

○厚朴溫中湯治脾胃虛弱心腹脹滿疼痛時發時止

厚朴姜汁炒

陳皮去白各一錢

茯苓 草薢

甘草

木香各半錢

乾生姜一錢

右細切水煎服

陳

○木香順氣湯治膜脹心腹滿悶

木香

益智

陳皮

蒼朮

草薢各半錢

厚朴姜製

青皮各四分

茯苓

澤瀉

半夏各六分

乾生姜

茱萸各三分

當歸

人參各五升麻

柴胡各一

右細切作一服水一盞半煎至一盞溫服

○痞有痰挾血成窠囊者用桃仁紅花香附大黃之

類治之

○七氣湯治七情所傷憂思鬱結府藏氣不和平心

腹痛悶

半夏

茯苓

各二

厚朴

姜製一

紫蘓葉

一

右細切作一服加生姜三片水一盞半煎至一

盞溫服

○大消痞丸治一切心下痞及年久不愈者

乾生姜

神麩

炒

甘草

炙各二

朱苓

二

澤瀉

厚朴

姜汁

砂仁

各三

半夏

湯泡七次

陳皮

去白

人參

各四

枳實

五

黃連

陳壁土

黃芩

如連制

姜黃

白朮

各一

右為細末湯浸蒸餅為丸如梧桐子大每服五

十九至百丸空心白湯下

○失笑丸

一名枳實

治右關脉弦心下虛痞惡食懶

倦開胃進食

乾生薑

一

甘草

炙

麥蘖麩

炒

白茯苓

白朮

各二

半夏麩

人參

各三

厚朴

姜制

枳實

炒

黃連

各五

右為細末蒸餅丸如梧桐子大每服七八十九

東垣

白湯下

○消痞湯化滯湯一名木香治因憂氣鬱結中脘腹皮裏微痛心下痞滿不思飲食

川歸

枳實炒四分

陳皮

生姜

木香各六分

柴胡七分

甘草炙 草薹各一錢 麩包煨

半夏半一錢

紅花一分

右細切作一服加生姜三片水二盞煎至一盞溫服

○黃連消痞丸治心下痞滿壅滯不散煩熱喘促不安

澤瀉

姜黃各一錢

乾生姜二錢

甘草炙

茯苓

白朮各三錢

陳皮五錢

朱苓去黑皮五錢

枳實炒七分

黃連二兩

半夏湯泡七次

黃芩炒

右為細末蒸餅為丸如梧桐子大每服五十九

白湯下

○黃芩利膈丸除胃中熱利膈上痰

生黃芩

炒黃芩各一兩

半夏

黃連各五錢

澤瀉五錢

南星

枳殼炒去穢

陳皮去白各三錢

白朮二錢

白礬一錢

今加蘿蔔子五錢

小皂角一錢

右為細末湯浸蒸餅為丸如梧桐子大每服五十九白湯下忌酒濕麪魚腥

東垣

○丹溪活套云凡心下痞滿須用枳實黃連○如肥
人心下痞內有濕飲宜蒼朮半夏縮砂茯苓滑
石之類○如瘦人心下痞乃鬱熱在上焦宜枳
實黃連以導之葛根升麻以發之○如人飲食
後因冒風寒飲食不消而作痞滿宜吳茱萸縮
砂藿香草豈菴之類溫以化之○如脾氣虛弱
轉運不調飲食不化而作痞者宜白朮山查神
麩麥芽之類以消之○又曰痞滿之證不一有
傷寒下早而作痞者枳殼桔梗湯小陷胃湯之
類○有因飲食填塞胃中而作痞者保和丸東
垣枳實導滯丸木香化滯湯之類 傷寒下多

則亡陰而痞者四物湯加參苓白朮升麻柴胡
少佐以陳皮枳殼之類除之○或大病後元氣
未復而胃滿氣短者補中益氣湯陳皮枳朮丸
木香枳朮丸之類○夫痞滿之証不可執一全
在活法詳脉證虛實而調之可也

○山頭沉三十一丈年三十餘身材肥盛夏秋間因
官差丈量田地辛苦至冬間得痞滿證兩脇氣
攻胃中飽悶不能卧欲成脹滿證歷數醫者皆
與疎氣耗散之藥皆不効十一月初旬召予診
治兩手關前皆浮洪而弦濡兩關後脉皆沉伏
予曰此膈上有稠痰脾土之氣敦阜肝木鬱而

不伸當用吐治木鬱達之之理也柰何值冬月
降沉之令未可行此法且先與豁痰疎肝氣瀉
脾胃敦阜之氣用平胃散加半夏茯苓青皮川
芎草龍膽香附砂仁柴胡黃連瓜萎子等藥病
退之十有三四待次年二月初旬為行倒倉法
平安

腫脹

四十二

論

內經曰諸濕腫滿皆屬於脾又曰諸腹脹大皆屬
於熱夫脾虛不能制水水漬妄行故通身面目手
足皆浮而腫名曰水腫或腹大如鼓而面目四肢

不腫者名曰脹滿又名鼓脹皆脾土濕熱為病腫
輕而脹重也丹溪曰心肺陽也居上腎肝陰也居
下脾居中亦陰也屬土經曰飲食入胃游溢精氣
上輸於脾脾氣散精上歸於肺通調水道下輸膀
胱水精四布五經並行是脾具坤靜之德而有乾
健之運故能使心肺之陽降腎肝之陰升而成天
地交之泰是為平人今也七情內傷六淫外侵飲
食不節房勞致虛脾土之陰受傷轉輸之官失職
胃雖受穀不能運化故陽自升陰自降而成天地
不交之否清濁相混隧道壅塞濕鬱為熱熱又生
濕濕熱相生遂成脹滿經曰鼓脹是也以其外雖

堅滿中空無物有似於鼓膠固難治又名蠱者若
虫侵蝕有蠱之義理宜補脾又須養肺以制木使
脾無賊邪之慮滋腎以制火使肺得清化之令卻
益味以防助邪斷妄想以保母氣遠音樂戒暴怒
無有不安醫者不察急於獲効病者苦於脹滿喜
行利藥以求通快殊不知寬得一日二日復脹愈
甚真氣已傷去死不遠矣俗謂氣無補法者以其
痞滿壅塞似難於補不思正氣虛而不能運行邪
滯著而不出所以為病經曰壯者氣行則愈怯者
著而成病氣虛不補邪何由退病何由安且此病
之起固非一年根深蒂固欲取速効自求禍耳知

王道者可與語此其或受病之淺脾胃尚壯積滯
不固者惟可略與疎導而不可峻與利藥也

愚按先生此論詳明殆盡誠千古不易之定議也及視東垣脹滿論又以藏寒生滿病立說引脈經胃中寒則脹滿之語以為之証愚恐南北風土寒熱不同難以一途而論雖然愚嘗按丹溪法活人多矣是以東垣之論不與膈合故不敢採其言以為後人之惑也

脈法

鍼經曰其脈大堅以瀦者脹也

脈經曰關上脈虛則內脹 遲而滑者脹

脈盛而緊者脹 虛而緊瀦者脹

或弦而遲或浮而數皆脹也

丹溪曰水腫脈多沉伏病陽水兼陽證脈必沉數

○病陰水兼陰證脈必沉遲○煩渴小便赤澀
大便秘結此為陽水不煩渴大便溏小便少而
不赤澀此為陰水

脈沉而滑為風水脈浮而遲弦而緊皆為腫也
水病腹大如鼓脈實者生虛者死洪大者生微
細者死

腹脹便血脈大時絕劇脈小疾者死

中惡腹大四肢腫脈大而緩者生浮而緊者死
緊而榮衛俱絕面浮腫者死

唇腫齒焦者死

卒唇腫面蒼黑者死

掌腫無紋者死

臍腫凸出者死

缺盆平者死

陰囊莖俱腫者死

脈絕口張足腫者死

足跌跌膝如斗者死

方法

丹溪方
法八條

丹溪曰古方惟禹餘糧丸制肝補脾珠為切當然
亦須隨時隨證加減一友人得脹疾自制此藥
服之予曰溫熱藥多且煨煉之火尚存宜自加
減彼不聽服之一月口鼻出血骨立而死

○朝寬暮急血虛暮寬朝急氣虛朝暮急氣血俱虛
○治腫脹大法宜補中行濕利小便以人參白朮為
君蒼朮陳皮茯苓為臣黃芩麥門冬為使以制
肝木少加厚朴以消腹脹氣不運加木香木通

氣下陷加升麻柴胡提之血虛加補血藥痰盛
加利痰藥隨證加減用之無不效者

○盧氏醫鏡以水腫隸於腎肝胃而不及脾又肺金
盛而生水水溢妄行豈理也哉夫脾土受病肺
為之子固不能自盛而生水然肺金氣清而能
生水則滋長腎陰奉行降令為生化之源何病
腫之有今為腫之水乃腐濁之氣滲透經絡流
注谿谷灌入隧道血亦因之而化水欲藉脾土
以制之導腎氣以利之殊不知脾病則金氣衰
木寡於畏而來侮土脾欲不病不可得矣治法
宜清心經之火補養脾土全運化之職肺氣下

降滲道開通其敗濁之氣稍清者復回而為氣
為血為津液其敗濁之甚者在上為汗在下而
為溺以漸而分消矣

○腰已上腫者宜發汗腰已下腫者宜利小便此仲
景之法

○東垣曰宜以辛散之以苦瀉之以淡滲利之使上
下分消其濕正所謂開鬼門潔淨府開鬼門者
謂發汗也潔淨府者利小便也

○產後浮腫必大補氣血少佐以蒼朮茯苓使水自
降大劑白朮補脾壅滿者用半夏陳皮香附監
之有熱當清肺金麥門冬黃芩之屬

○熱水腫用山梔子仁炒為末米飲調下三五錢若胃腕熱病在上者連殼用

○禹餘糧丸治中滿氣脹喘滿及水氣脹

蛇含石三兩 針砂五錢 禹餘糧針三兩同

已上三味為主其次量人虛實入下項藥

木香 牛膝 蓬莪朮 白蒺藜

桂心 川芎 茴香 白荳仁

三稜 羌活 茯苓 乾姜

青皮 陳皮 附子炮 當歸各五錢

右為末湯浸蒸餅為丸如梧桐子大每服五十丸空心溫酒下

○繫矩三和湯

陳皮去白 紫蘓 甘草炙各七分 厚朴製

檳榔 白朮各一錢 海金沙烟 木通三分

右細切作一服加生姜三片水煎服

○濟生紫蘓子湯專治憂慮過度致傷脾肺心腹脹

滿喘促治腸鳴氣走漉漉有聲大小便不利脉

虛而緊瀯

紫蘓子研一錢 白朮二錢 人參一錢 大腹皮酒洗

草菓仁 半夏 厚朴 木香

陳皮 枳殼麩炒黃色 甘草炙各五分

右細切作一服加生姜三片大棗一枚水煎溫

疎

服

○木香順氣湯治濁氣在上則生腹脹

木香分三

厚朴分四

青皮

陳皮

益智

茯苓

澤瀉

乾生姜

半夏分各二

吳茱萸湯泡二分

川歸分五

升麻

柴胡分各一

草薢分三

蒼朮分五

白朮錢一

右細切作一服水二盞煎至一盞溫服

疎

○中滿分消丸治中滿鼓脹氣脹水脹熱脹

菁苳去朽細切酒拌炒二次六錢

黃連

枳實麩炒黃色

半夏湯泡七次去皮膈各五錢

姜黃

白朮

人參各二錢半

甘草炙

朱苓去黑皮各一錢

乾生姜

白茯苓

砂仁錢各二

厚朴姜制錢五

知母酒洗

澤瀉

陳皮去白各三錢

右為細末蒸餅糊丸如梧桐子大每服百丸焙

熱白湯或淡姜湯下

○廣木潰堅湯治中滿腹脹內有積塊堅硬如石令

人坐卧不寧二便澁滯上氣喘促或通身虛腫

厚朴姜製

黃芩

黃連

益智

草薢

當歸各五分

半夏七分

廣木

升麻

紅花

吳茱萸各二分

生甘草

柴胡

澤瀉

神麩炒

青皮

陳皮各三分

渴加乾葛分四

右細切作一服加生姜三片水二盞煎七分溫服食遠忌酒醋濕麪二服之後中滿減半止有積塊未消再服後藥

○半夏厚朴湯

紅花 蕪木各半 木香 青皮各二
吳茱萸 乾生姜 黃連各一 肉桂
蒼朮 白茯苓 澤瀉 柴胡
陳皮 生黃芩 草薺 生甘草各三
京三稜 當歸稍 朱苓 升麻各四
神麩炒六分 厚朴姜制八分 半夏湯泡一錢
桃仁七箇去尖研如泥 昆布 如渴加乾葛三

右細切作一服水三盞煎至一盞稍熱服服此藥二貼之後前證又減一半却於前藥中加減服之

東垣

○破滯氣湯一名木香化滯散 破滯氣心腹滿悶

甘草炙一分 白檀香 藿香
陳皮 大腹子 白荳蔻
白茯苓 桔梗各二分 砂仁
人參 青皮 檳榔
木香 姜黃 白朮各四分
右細切作一服水一盞半煎至一盞去粗溫服不拘時候

○草豈菹湯治腹中虛脹

澤瀉分一

木香分二

神麩分四

半夏泡

枳實炒

草豈菹

黃芪春夏不用

益智

甘草各五分

青皮

陳皮各六分

茯苓

當歸各七分

右細切作一服加生薑三片水二大盞煎至一

盞溫服冬月加黃芪五七分春夏止服正藥食

遠

○葶藶木香散治濕熱內外甚水腫腹脹小便赤澀

大便滑泄此藥下水濕消腫脹止瀉利小便之

聖藥也

右為細末每服三錢白湯調下食前服

○白朮木香散治喘嗽腫滿欲變成水病者不能卧

不敢多食小便閉而不可通者

白朮

木猪苓去

甘草

澤瀉

木通

赤茯苓各五分

木香

檳榔各三分

陳皮

去白官桂分二

滑石錢二

右細切作一服加生薑三片水一盞半煎至一

盞溫服

○二氣散治水氣蠱脹滿悶

白丑 黑丑 各二錢

右為細末外用大麥麩四兩同一處拌勻做燒餅臨卧用茶清一盞下降氣為驗

○牽牛丸治一切濕熱腫滿等証

黑丑 黃芩 大黃 椒目 滑石 各等分

右為細末酒煮麩糊為丸如梧桐子大每服五丸至七丸生姜湯下食後服看虛實加減丸數

○三花神祐丸治中滿腹脹喘嗽淋悶一切水濕腫滿濕熱腸垢陳積變生諸疾久病不已黃瘦困倦氣血壅滯不得宣通或風熱燥鬱肢體麻痺

走注疼痛風痰涎嗽頭目眩運瘧疾不已癥瘕積聚堅滿痞悶酒積食積一切痰飲嘔逆及婦人經病不快帶下淋瀝無問赤白併男婦傷寒濕熱腹滿實痛久新瘦弱俗不能辨兼治新舊腰痛併一切下痢及小兒驚疳積熱乳癖腹滿並宜服之

甘遂 大戟 芫花 各五錢 併濕炒

黑丑 二兩取頭末 一兩淨 大黃 一兩 輕粉 一錢另包不研

右為細末同輕粉拌勻滴水為丸如小葶大初服五丸每服五丸溫水下日三服加至快利為度利後却又常服病去乃止設病愈後惟老弱

久病虛人勿服平人常服保養宜通氣血消進
飲食病痞悶極甚者便多服則頓攻不開轉加
痛悶宜初服二丸每服加二丸至快利為度以
意消息小兒丸如麻子大隨強弱大小增減丸
數三四歲者三四丸依前法服

○宜明鷄屎醴飲

詞出素問
腹中論

治鼓脹且食則不能暮

食痞滿壅塞難當

大黃

桃仁去

乾鷄屎

右各等分為細末每服二錢水一盞生姜三片
煎湯調下食遠臨卧服

○丹溪活套云凡腹脹須用姜制厚朴肥人腹脹必

用利濕蒼朮茯苓滑石海金沙之類○色白人
腹脹必是氣虛用人參白朮白茯苓之類○瘦
人腹脹是熱必用黃連黃芩梔子厚朴之類○
如因有故蓄血而腹脹者用桃仁紅花甚者用
抵當湯丸之類○如因食積而腹脹者保和丸
加木香檳榔阿魏之類○有熱鬱而脹者木香
檳榔丸之類下之○有寒積鬱結而脹者局方
丁香脾積丸東垣三稜消積丸之類○如因外
寒鬱內熱而腹脹者用藿香官桂升麻乾葛之
類○如因多怒鬱氣而脹者宜用蒼朮撫芎香
附青皮芍藥柴胡及龍薈丸之類○凡腹脹初

得是氣脹宜行氣疎導之劑木香檳榔枳殼青
皮陳皮厚朴之類○又則成水脹宜行濕利水
之劑

○祖傳經驗鷄屎醴治鼓脹氣脹水脹等証

鷄雞屎外一

右一味研細炒焦色地上出火毒再研極細百
沸湯三升淋汁每服一大盞調木香檳榔末各
一錢日三服空腹脹以平為期服

○又經驗方治腫脹或通身水腫或腹大堅滿

三稜

莪朮各用醋炒

陳皮白去

青皮

砂仁

羌活

防已

澤瀉

連翹

檳榔各三錢

甘遂半二錢椒目

木香

乾漆炒烟盡各一錢

白丑

黑丑

各二兩取頭末九錢

大黃錢八

雙頭連三錢

右研為細末麩糊為丸如梧桐子大每服三錢
重空心溫酒送下以利為度病退即止藥忌甘
草菘菜鹽醬

○又經驗挑奴丸治婦人或室女月經不通漸成脹
滿及男子墜馬跌撲損傷以致瘀血停積成血
蠱病皆能治之

挑奴

挑奴也挑蠱上乾朽蟻挑也十二月用

猴鼠糞

兩頭尖者是雄鼠糞也

玄胡索

肉桂

香附子

五靈脂

砂仁

桃仁去皮夫各等分

右為末每服三錢温酒調下

○予族八一兄素能飲酒年五十得腫脹病通身水腫腹脹尤甚小便澁而不利大便滑泄召予治予曰若戒酒色鹽醬此病可保無危不然去生漸遠兄曰自今日戒起予以丹溪之法而以參朮為君加利水道制肝木清肺金等藥十貼而小水長大便實腫退而安又半月有二從弟平日同飲酒者曰天民弟素不飲酒山中之鹿耳我與兄水中之魚也鹿可無水魚亦可無水乎三人遂痛飲沉醉而止次日病作甚於前復來

求治予曰不可為矣挨過一月而逝

○梅林妻姪孫駱智二得腫脹証亦令戒前四事用前法服藥四五十貼而愈頗安五年一日嘆曰人不吃塩醬與死何異遂開塩十數日後舊病大作再來求治不許又告欲行倒倉法予曰脾虛之甚此法不可行於今日也踰月膨脹而死予用丹溪之法治腫脹愈者多矣不能盡述特書此二人不守禁忌者以為後人病此者之戒云

積聚

五二十

論

內經曰積聚留飲痞膈中滿濕積霍亂吐下澼瘕
堅硬腹滿皆太陰濕土乃脾胃之氣積聚之根也
難經曰積者陰氣也聚者陽氣也故陰沉而伏陽
浮而動氣之所積名曰積氣之所聚名曰聚故積
者五藏所生聚者六府所成也夫所謂積者陰氣
也其始發有常處其痛不離其部上下有所終始
左右有所窮處謂聚者陽氣也其始發無根本其
痛或隱或見上下無所留止痛發無所定位是故
肝之積名曰肥氣在左脇下如覆杯有頭足久不
愈令人發欬逆痰癘連歲不已心之積名曰伏梁
起臍上大如臂上至心下久不愈令人煩心脾之

積名曰痞氣在胃脘右側覆大如盤久不愈令人
四肢不收發黃疸飲食不為肌膚肺之積名曰息
奔在右脇下大如覆杯久不愈令人洒淅寒熱喘
欬發肺癰腎之積名曰奔豚在小腹上至心下若
豚狀或上或下無時久不愈令人喘逆骨痿少氣
東垣曰鍼經云其成積者蓋厥氣生足悅悅生脛
寒脛寒則血脉凝滯故寒上入腸胃所以腹脹腹
脹則腸外之汁沫迫聚而不得散日以成積矣或
盛食多飲則脉傷若起居不能用力過度則陽絡
脉傷陽絡脉傷則血外溢血外溢則衄血陰絡脉
傷則血內溢血內溢則便血腸胃之絡脉傷則血

溢於腸外腸外有寒汁沫與血相搏則氣聚而成積矣或外中於寒內傷於憂怒則氣上逆氣逆則六腑不通溫氣不行凝血蘊聚不散津液凝滯滲著不去而成積乎又曰生於陰者蓋憂思傷心重寒傷肺忿怒傷肝醉以入房汗出當風則傷脾用力過度入浴則傷腎此內外三部之所生病也故難經中說五積各有其名如肝積曰肥氣在左脇下如杯而臍左有動氣按之牢若痛者是無是非也餘積皆然治者當察其所痛以知其應有餘不足可補則補可瀉則瀉毋逆天時詳藏府之高下如寒者熱之結者散之客者除之留者行之堅者

削之按之摩之醎以輒之苦以瀉之全其真氣而補益之隨其所利而行之節飲食慎起居和其中外可使必已不然徒以大毒之劑攻之積不能除反耗正氣終難復也可不慎與

脉法

脉經曰脉來細而附骨者積也在寸口積在胃中微出寸口積在喉中在關上積在臍傍上關上積在心下微下關積在小腸尺微積在氣衝脉出在右積在右脉出在左積在左脉兩出積在中央各以其部處之也

脉來小沉而實者脾胃中有積聚不下食食則吐

肺積脉浮而毛按之辟易

心積脉沉而芤上下無常處

肝積脉弦而細

腎積脉沉而急

脉沉重而中散者因寒食成積

脉左轉而沉重者氣癥積在胃中

脉右轉出不至寸口者內有肉癥也

方法

丹溪方法凡六條

丹溪曰塊乃有形之物氣不能成形痰與食積死血也在中為痰飲在右為食積在左為死血大法鹹以軟之堅以削之行氣開痰為主

○治積塊方用海石三稜莪朮香附用上俱用醋浸桃仁紅

花五靈脂之類為丸石鹼白朮湯下

○黃蜀葵根煎湯入人參白朮青皮陳皮甘草梢牛膝煎成膏入細研桃仁玄明粉各少許熱飲之二服當見塊下病重者須補接之後加減再行

○石鹼去痰積食積洗滌垢膩有功

○尾蠶子能消血塊次能消痰瓦蠶子即蚌壳也盧尚書核鎮嶺南改蚌

名瓦蠶子以其壳上有稜如尾出嶺表異蚌

○積塊不可專用下藥徒損其氣病亦不去當消導使之鎔化其死血塊去須大補

○三聖膏貼積塊

用未化石灰半斤為末尾上炒微紅提出候熱

稍減入大黃末一兩炒熱仍提出入桂心末五錢略炒以米醋熬成膏厚攤烘熱貼之

○琥珀膏 用大黃朴硝各一兩為末以大蒜搗膏貼之

○阿魏丸治肉積成塊

阿魏

山楂各一兩

連翹五錢

黃連六錢

右以下三味為細末以阿魏用米醋煮糊為丸如梧桐子大每服五十九脾胃虛者以白朮三錢陳皮茯苓各一錢煎湯送下○一方加半夏一兩透晒乾用石礮三錢○又一方以醋煮神麩糊為丸無連翹○又一方既兼諸方而又

有瓜蒌貝母南星風化硝胡黃連萊菔子麥蘖麩姜汁浸蒸餅為丸治諸般積聚用者更宜詳之

○大溫中丸○小溫中丸俱以食積成痞塊面色痿

黃肌膚虛腫飲食無味等證二方俱見黃疸門

○凡婦人腹中有塊多屬死血

○一方治婦人死血食積痰飲成塊在兩脇動作雷鳴嘈雜眩暈身熱時作時止

黃連一兩 萊菔子一兩 台芎一兩 桃子一兩 三稜一兩

莪朮一兩 麥麩一兩 桃仁一兩

黃連一兩 萊菔子一兩 台芎一兩 桃子一兩 三稜一兩 莪朮一兩 麥麩一兩 桃仁一兩

香附童便浸

山查各一

右為細末蒸餅為丸如梧桐子大每服五十九
姜湯下

○一方治婦人血塊如盤有孕難服峻藥

香附四兩

桃仁皮一兩去尖

海石兩白朮兩一

右為細末神麴糊丸服

○凡痞塊在皮裏膜外須用補氣藥及香附開之兼
二陳湯先須斷厚味為要

○倒倉法用肥嫩黃牝牛肉二三十斤切成小片去
筋膜長流水煮糜爛以布瀝去查滓取淨汁再
入鍋中慢火熬至琥珀色則成劑矣令病者預

先斷慾食淡前一日不食晚飯設密屋一間明
亮而不通風颯行之置穢桶及木瓦盆貯吐下
之物一磁瓶盛所出之溺令病者入室以汁飲
一杯少時又飲一杯積數十杯寒月則重湯溫
而飲之任其吐利病在上者欲其吐多病在下
者欲其利多病在中者及在上復在下者欲其
吐利俱多全在活法而為之緩急多寡也視所
出之物必盡病根乃止吐利後必渴甚不得與
湯以所出之溺飲之名輪迴酒非惟可以止渴
抑且可以蕩滌餘垢行後倦睡覺飢先與稠米
飲次與淡稀粥三日後方可與小菜羹次與略

厚粥軟飯調養半月或一月自覺精神煥發形體輕捷沉痾悉能痊矣其後須忌牛肉數年夫牛坤土也黃土之色也以順爲性而効法乎乾以爲功者牡之用也肉者胃之藥也熟而爲液無形之物也橫散入肉絡由腸胃而滲透肌膚毛竅瓜甲無不入也積聚久則形質成依附腸胃迴薄曲折處以爲栖泊之窠曰阻碍氣血津液薰蒸燔灼成病自非刮腸剖骨之神妙可以銖兩丸散窺犯其藩墻戶牖乎肉液之散溢腸胃受之其厚皆倍於前有似乎腫其迴薄曲折處肉液充滿流行有如洪水泛漲其浮槎陳朽

皆推逐蕩漾順流而不可停留在表者因吐而汗其清道者自吐而湧濁道者自泄而去凡屬滯碍一洗而盡牛肉全重厚和順之性盎然煥然潤澤枯槁補益虛損寧無精神煥發之樂乎正似武王克商散財發粟以賑殷人之仰望也其方得於西域之至人凡人於中年後行一二次亦卻疾養壽之一助也

夫倒倉法全藉自飲輪迴酒十數杯以祛逐餘垢迎接調勻新布榮衛使藏氣育膜生意敷暢有脫胎換骨之功也多嫌其穢因致中綴而功虧一篑若非明物理通造化者其肯視爲美醞良

味乎

此段乃丹溪與
人書簡所論也

愚按內經謂脾胃者倉廩之官五味出馬大腸者傳道之官變化出馬小腸者受盛之官化物出焉今詳此法名為倒倉謂傾倒倉廩之陳腐也其論中反覆叮嚀之意無非只為腸胃中痰積膠固及化生諸般奇形之虫誠恐痼疾難療愚嘗屢試明驗惟脾胃與大小腸有食積痰飲而為腹痛痞瘕食癘黃疸痞滿惡心噯氣嘈雜吞酸等證行之無不應手獲効其餘一應氣血虛損與夫反胃膈噎鼓脹癆瘵大風真病已成及肥白氣虛之人或一切證候脉虛軟無力者

切不可輕試以自招咎怨丹溪有謂咯血吐紅久病嘗用此法而愈者蓋必其人胃中痰火太盛而真氣壯實未虧亦在丹溪之高見親手用之則可今人效顰而妄以似是而非者行之是乃徒取誚於他人而反謗以丹溪之法不堪信也慎之慎之

○廣木潰堅湯治有積塊堅硬如石形大如盤令人

坐卧不安中滿腹脹

方見腫
脹門

○半夏厚朴湯治証同前

方見腫
脹門

○三因散聚湯治九氣積聚狀如癥瘕隨氣上下發作有時心腹疝痛攻刺腰脇小腹膜脹大小便

不利

半夏

檳榔

川歸各四分

陳皮

杏仁去皮

挂心各一錢

茯苓一錢

甘草炙

附子炮

川芎各五分

枳殼炒

厚朴制

吳茱萸湯泡

去梗焙乾

大黃酒拌

濕蒸半錢或一錢五分

右細切作一服加生姜三片水二盞煎至一盞溫服

生濟

○大七氣湯治積聚狀如癥瘕隨氣上下發作有時心腹疼痛上氣窒塞小腹脹滿

益智

陳皮

京三稜

蓬朮香附子

炒各一兩半

桔梗

肉桂

藿香葉

甘草

炙青皮各二分

右咬咀每服五錢水煎

○千金硝石丸止可磨塊不令人困須量虛實用之

硝石六兩

大黃八兩

人參

甘草各三兩

右為細末以三年陳米醋三升置磁器中以竹

片作準每入一升作一刻先入大黃不住手攪

使微沸盡一刻乃下餘藥又盡一刻微火熬使

可丸如雞子黃大每服一九白湯化下或丸如

梧桐子大每服三五丸服後下如鷄肝或如

米泔赤黑色等物乃効下後忌風冷宜軟粥息

○局方妙香丸治久年陳積方見

○導氣枳殼丸治氣結不散心胃痞痛逆氣上攻分

氣逐風功莫盡述

枳殼去穢炒

木通炒

青皮

陳皮並去白

桑白皮炒

萊菔子炒

白丑炒

黑丑炒

莪木煨

茴香炒

京三稜炮

右各等分爲細末姜汁調麩煮糊爲丸如梧桐子大每服三十九煎橘皮湯下

○木香三稜九治一切氣悶胃膈痞滿榮衛不和口吐酸水嘔逆惡心飲食不化胸肋疼痛無問久新並皆治之

青木香

破故紙

茴香

黑丑

甘遂

芫花

大戟

京三稜炮

蓬莪木炮

川練子

葫蘆芭

巴戟已上各

巴豆

二分 不去油

陳倉米

二合 與巴豆同炒

黑砂仁

半

右細切用好米醋二升除砂仁木香外餘藥入醋中浸一宿入鍋內煮醋盡乾爲度同木香砂仁爲細末醋煮麩糊爲丸如菘葢大每服五丸或七丸食後服看虛實大小加減丸數隨湯水任下

○東垣草葢寇丸治酒積或傷寒冷之物胃脘痛咽膈不通

草葢寇麩裏煨

白朮各一兩

大麥蘖

神麩各炒

黃芩

半夏各半兩

枳實炒二兩

陳皮

青皮

乾生薑各二錢炒

炒鹽兩半

右爲極細末湯浸蒸餅爲丸如菘葢大每服一

百丸熟水下

愚按此方乃飲酒過度恣食寒涼之物有痰癖積飲在胃腹間作痛者之所宜也

○肥氣丸治肝之積名曰肥氣在左脇下如覆杯有頭足久不愈令人發欬逆痰癘連歲不已

厚朴姜製五分

黃連七錢

柴胡二兩

川椒四錢

巴豆霜五分

乾姜炮五分

川烏炮去皮一分

皂角去皮弦炙一錢半

白茯苓一錢

廣朮炮二錢半

人參二錢

甘草炙三錢

昆布酒洗二錢半

右件除茯苓皂角巴豆霜別研末外諸藥共為極細末和勻煉蜜為丸如梧桐子大初服二丸

一日加一丸二日加二丸漸漸加至大便微澀

再從二丸起加服之周而復始積減大半勿服

瘰

○伏梁丸治心之積名曰伏梁起臍上大如臂上至心下久不愈令人煩心

黃連一兩

厚朴制姜

人參各五錢

黃芩三錢

桂枝一錢

乾姜炮

菖蒲

巴豆霜各五分

紅葶藶二分

川烏頭炮五分

茯苓

丹參炒各一錢

右件除巴豆霜外為細末別研包巴豆霜旋入末和勻煉蜜丸如梧桐子大服如上法淡黃連

湯下

○痞氣丸治脾之積名曰痞氣在胃脘覆大如盤久

不愈令人四肢不收發黃疸飲食不為肌膚

厚朴姜制四分 黃連八錢 茱萸三錢 黃芩二錢

白茯苓 人參 澤瀉各一 川烏炮

川椒炒各五分 茵陳炒酒 乾姜炮 砂仁各一分

白木二分 巴豆霜四分 桂皮四分

右件除巴豆霜別研茯苓別末旋入外為細末和勻煉蜜丸如梧桐子大服如上法淡甘草湯

東垣 ○息奔丸治肺之積名曰息奔在右脇下大如覆杯

久不愈令人洒淅寒熱喘欬發肺癰

厚朴姜制八錢 黃連炒三錢 乾姜炮 白茯苓

川椒炒 紫苑各一錢半 川烏炮 桔梗去蘆

白豈薹 陳皮去白 京三稜炮

天門冬各一錢 人參二錢 青皮五分 巴豆霜四分

右件除茯苓巴豆霜各別研旋入外為細末和勻煉蜜丸如梧桐子大服如上法淡姜湯送下

已上四方秋冬加厚朴減黃連四分之一

○奔豚丸治腎之積名曰奔豚發於小腹上至心下若豚狀或上或下無時久不愈令人喘逆骨疼少氣及治男子內結七疝女人瘕聚帶下

厚朴姜制七分 黃連五錢 白茯苓 澤瀉

菖蒲各二錢 川烏炮 丁香各五分 苦棟酒煮三錢

玄胡索一錢半 全蝎 附子炮 獨活各一錢

肉桂分二

巴豆霜分五

右件除巴豆霜茯苓各別研為末旋入外為細末和勻煉蜜丸如梧桐子大淡塩湯下服如上法

虛損

六十二

論

內經曰飲食飽甚汗出於胃驚而奪精汗出於心持重遠行汗出於腎疾走恐懼汗出於肝搖體勞苦汗出於脾又曰久視傷血久卧傷氣久坐傷肉久立傷骨久行傷筋若夫七情五心之火飛越男女聲色之慾過淫是皆虛損之所由也機要曰虛

損之疾寒熱因虛而感也感寒則損陽陽虛則陰盛損自上而下一損損于肺皮聚而毛落二損損于心血脉虛少不能榮于藏府婦人則月水不通三損損于胃飲食不為肌膚治宜以辛甘淡過於胃則不可治矣感熱則損陰陰虛則陽盛損自下而上一損損于腎骨痿不能起于床二損損于肝筋緩不能自收持三損損于脾飲食不能消剋治宜以苦酸醎過於脾則不可治矣又曰心肺損而色弊腎肝損而形痿難經曰治損之法損其肺者益其氣損其心者補其榮血損其脾者調其飲食適其寒温損其肝者緩其中損其腎者益其精是

皆虛損病因治法之大要也學者詳之

脈法

脈經曰脈來軟者為虛 緩者為虛 微者為虛

弱者為虛

弦者為中虛

脈來細而微者血氣俱虛 脈小者血氣俱少

要略曰脈芤者為血虛 脈沉小遲者脫氣

又曰血虛脈大如葱管

又曰脈大而芤者脫血

方法

丹溪曰天為陽而運於地之外地為陰而居乎天之中天之大氣舉之日實也屬陽而運於月之外

月缺也屬陰稟日之光以為明人受天地之氣以生天之陽氣為氣地之陰氣為血故陽常有餘而陰常不足氣常有餘而血常不足也又曰經曰精不足者補之以味味陰也補精以陰求其本也然味乃如穀菽菓菜出於天賦自然中和之味故有食人補陰之功非醢醬烹飪調和偏厚之味出於人為者也經曰陰之所生本在五味非天賦之味乎曰陰之五官傷在五味非人為之味乎善攝生者不可謂味以補精而遂恣於口腹以自速其禍也又曰形不足者溫之以氣溫養也溫存以養使氣自充氣充則形完矣曰補曰溫各有其旨局方

悉以溫熱藥佐輔名曰溫補豈理也哉又曰入年老或虛損精血俱耗陰不足以配陽孤陽幾於飛越天生胃氣尚余留連又藉水穀之陰故羈縻而定耳局方用溫劑劫虛蓋脾得溫而食進故亦暫可夫質有厚薄病有淺深設或失手何以收救吾寧稍遲計出萬全溫劑補虛決不敦用

○丹溪治老人虛損但覺小水短少即是病進宜以人參白朮為君牛膝芍藥為臣陳皮茯苓為佐春加川芎夏加黃芩麥門冬秋冬加當歸身倍生薑一日或一貼或二貼小水之長若舊乃止此老人養生之捷法也此丹溪養母之方也

○四君子湯治氣虛

人參一錢 白朮 茯苓各二錢 甘草一錢

右細切作一服水煎如自汗或小水利者去茯苓加黃芪二錢無汗小水不利者只依本方

○四物湯治血虛

川歸二錢 川芎 芍藥各一錢半 熟地黃二錢

右細切作一服水煎服春倍川芎夏倍芍藥秋倍地黃冬倍當歸

○八物湯治氣血兩虛

四君子合四物湯共為一劑如上法加減煎服

○六君子湯治氣虛挾痰方見便

○蜀方十全大補湯治氣血俱虛而挾寒暑

人參 黃芪 甘草 白茯苓

當歸 白朮 白芍藥 肉桂

熟地黄 芎窮各等分

右細切每服一兩重加生姜三片大棗一枚水

二大盞煎至一盞溫服加減法宜詳前論

○大補陰丸降陰火補腎水

黃柏益酒拌新瓦上炒褐色 知母去毛酒拌濕炒各四兩

熟地黄酒洗焙乾用 龜板酥炙黃各六兩

右細末猪脊骨髓和煉蜜為丸如梧桐子大每

服五丸空心姜鹽湯下

○補陰丸一名虎潛丸

黃柏前制半斤如 知母去毛酒制炒 熟地黄各三兩

龜板酥炙四兩 白芍藥煨 陳皮 牛膝各二兩

虎脛骨一兩 瑣陽酥炙 當歸各一兩半

右為細末酒煮羯羊肉為丸搵湯下冬加乾姜

半兩

○加味虎潛丸

人參 黃芪 芍藥煨 黃柏搵酒炒

當歸酒洗 山藥各一兩 瑣陽酥炙 枸杞子

虎脛骨酥炙 龜板酥炙 兔絲子搵酒浸三宿細研

破故紙炒 杜仲姜汁拌炒 五味子各七錢半

牛膝

去蘆酒洗二兩

熟地黃

兩四

右為細末煉蜜和猪脊骨髓為丸如梧桐子大每服五六十丸温酒或姜盪湯下

○滋陰大補丸

川牛膝

去蘆

山藥

各一兩半

杜仲

姜汁拌炒

巴戟

心去

山茱萸

核去

肉苁蓉

酒浸洗新焙乾

五味子

白茯苓

皮去

茴香

炒

遠志

去心身草月炙各一兩

石菖蒲

枸杞子

各五錢

熟地黃

兩二

右為細末紅棗肉和煉蜜為丸如梧桐子大每服七十九淡鹽湯或温酒空心下與上虎潛丸

相間服之佳所謂補陰和陽生血益精潤肌膚強筋骨性味清而不寒温而不熱非達造化之精微者未足以議於斯也

○補腎丸

黃栢

龜板

各二兩

杜仲

各依前制

牛膝

陳皮

各二兩

乾姜

五錢冬加

五味子

一兩夏用之

右為細末姜汁糊或酒糊為丸服温酒或白湯空心下

○補天丸

紫河車

一貝即產弦胞衣也古方不分男女並傳男用女胎女用男胎者候以初胎者

為勝似為有理若不可得但求肥盛無病婦人者俱可用初取得長流水洗淨

右以前補腎丸藥為末同河車再研極細酒糊為丸或新取紫河車蒸熟同前藥末搗爛為丸亦可

○虛勞者當以骨蒸藥佐之一云氣虛加補氣藥血虛加補血藥

○一方用側柏葉烏藥葉俱以酒浸九蒸九曝亦同紫河車為丸名補腎丸

○六味地黃丸治腎經虛損久新憔悴盜汗發熱五藏齊損瘦弱虛煩骨蒸痿弱下血咯血等証

乾山藥

山茱萸

去核各四兩

澤瀉

去毛

牡丹皮

白茯苓

各三兩

熟地黃

八兩

右為細末煉蜜為丸如梧桐子大每服五十九白湯下

○人參固本丸

天門冬

去心

麥門冬

去心

生地黃

各二兩

人參

去蘆一兩

熟地黃

二兩

右各焙乾同磨為末勿犯鐵器煉蜜為丸或以天門冬熟地黃二味量酒浸搗膏同三味末杵千餘下丸如梧桐子大每服五七十九空心姜鹽湯下忌蘿蔔

○人參膏

去筋膜以篾籠盛之外以熟糊使不泄氣焙乾要用時以米醋浸一宿焙乾用

人參一味不拘多少去蘆細切量水於銀石器
內慢火煎如稠餲磁器盛貯每服一二匙白湯
點服

○補中益氣湯治飲食失節勞役所傷暴傷元氣惡
寒發熱證似傷寒者方見內

○益胃升陽陽血脫益氣古聖人之法也先補胃氣
以助生發之氣故曰陽生陰長諸甘藥為之先
務舉世皆以為補殊不知甘能生血從陽而引
陰也故先理胃氣蓋人之身穀為寶也

柴胡

升麻各二分

炙甘草

當歸身酒洗

陳皮各五分

人參不用

炒神麴各七分

黃芪錢一

白朮半錢

生黃芩二分

右細切作一服水二盞煎至一盞溫服○如腹
中痛每服加白芍藥五分中挂二分如渴或口
燥加葛根三分

○芪附湯治陽虛氣弱虛汗大出不止肢體倦怠

川附子炮

黃芪蜜炙各二錢

右細切作一服加生姜三片大棗二枚水一盞
半煎至一盞溫服

○參附湯治真陽虛之上氣喘急自汗盜汗短氣頭

眩眼花

人參兩半

川附子

炮去皮

○茯神湯治六脉虛軟欬則心痛喉中介介或腫或

痛

右細切分作三服加姜水煎温服

茯神

人參

遠志

通草

麥門冬

黃芪

桔梗

甘草

五味子

各三分

右細切作一服加生姜一片水煎服

○補氣湯治氣虛脉浮而軟怔忡無時

黃芪

二分

人參

甘草

各一分

麥門冬

心法

桔梗

去蘆各七分

右細切作一服加生姜三片水二盞煎至一盞

温服

○千金延壽卅治諸虛百損怯弱欲成癆瘵及大病

後虛損不復凡人於中年後常服可以卻疾延

年

五味子

兔絲子

黃爛

川牛膝

杜仲

姜汁拌炒絲斷

川歸

山藥

天門冬

麥門冬

生地黃

熟地黃

各一两

肉苁蓉

二人參

白茯苓

大茴香

澤瀉

地骨皮

鹿茸

菖蒲

九節者

花椒

巴戟

去心

遠志

覆盆子

枸杞子

栝子仁

各五錢

右共磨為細末勿犯鐵器蒸搗煉蜜為丸如梧

桐子大每服一百丸空心温酒或姜鹽湯下○
 如大便溏小便不利加車前子二兩○如精滑
 或夢遺加赤石脂山茱萸肉各五錢忌蘿蔔菜
 ○斑龍丸治真陰虛損及老人虛人常服延年益壽
 鹿角膠炒成珠 鹿角霜 兔絲子酒浸研細
 栢子仁取仁洗淨 熟地黄各半斤 白茯苓
 補腎脂各四兩
 右磨為細末酒煮米糊為丸或以鹿角膠入好
 酒洋化為丸如梧桐子大每服五十九空心姜
 塩湯下昔蜀中有一老人貨此藥於市自云壽
 三百八十矣歲每歌曰尾閭不禁滄海竭九轉

金丹都謾說惟有斑龍頂上珠能補玉堂關下
 血當時有學其道者傳得此方彼老人化為白
 鶴飛去不知其所終
 ○桂枝加龍骨牡蠣湯治六脉亢動微緊男子失精
 女人夢交及盜汗自汗等證
 桂枝 白芍藥各三錢 甘草炙二錢
 龍骨 牡蠣各三錢
 右細切加姜棗水煎愚恐上証不可用姜
 ○祖傳經驗秘方治心虛手振
 川歸身半斤 兩川芎一斤 汾甘草 生地黃各兩半
 遠志去心二兩半 酸棗仁 栢子仁各三兩

人參兩一

辰砂另錢

金鉞斤二十

射香錢一

琥珀錢三

茯神錢七

膽南星錢五

半夏錢五

石菖蒲錢六

右為極細末蒸餅為丸如菘豈大辰砂為衣每服七八十九津唾嚥下或姜湯送下

○本邑在城金儒元國子生也年五十餘身略瘦十年前得內傷挾外感證一醫用發表疎利之劑十數日後熱雖退而虛未復胃中痞滿氣促眩運召予治以補中益氣湯間與東垣消痞九陳皮枳朮丸等藥調理而安但病根未盡除而佳藥故眩運或時而舉不甚重來允至此年因往

杭城跋涉辛苦又兼色慾之過還家眩運大作歷數醫皆與防風羌活荆芥南星半夏蒼朮等去風散濕消痰之劑病愈重一日十數次厥去片時復甦凡動或轉側即厥不知人事舉家惶惶叫哭召予治診其六脉皆浮洪而濡予曉之曰此氣血大虛證幸脉不數而身無大熱不死但恐病愈後而有數年不能下榻行動病者曰只要有命卧亦甘心與大補氣血之藥倍人參黃芪或加附子引經合大劑一日三貼又煎人參膏及作紫河車丸補陰丸之類間服如此調理二月餘服煎藥二百餘貼丸藥三五料用人

參五六斤其證漸不厥飲食如故但未能行動耳次年聞王布政汝言往京師道經蘭溪以舟載去彼俟俟求診王公曰此證陰虛風痰上壅因誤服參芪多故病久不愈立方以天麻菊花荆芥川芎等清上之藥亦未見效佐藥後越五六年方得起而步履如初儒元不思昔日病劇而藉參芪等藥之功遂以王公之語歸咎於予用藥之誤噫彼時若非峻補何以得一儒元見王公耶嗚呼此誠得魚忘筌得兔忘蹄也可勝嘆哉

○東陽邑庠鄒掌教先生一証發大汗戰鼓標振掉

片時許發燥熱身如火燒又片時許出大汗如兩身體若永冷而就發寒戰如前寒後又熱熱後又汗三病繼作而晝夜不息庠生盧明夫與作癩證治不効召予診其右手陽脉數而浮洪無力陰脉略沉小而亦虛左三部比右差小而亦浮軟予曰此陽虛証也用補中益氣湯倍參芪減升柴一半加尿浸生附子一錢炒半黃柏三分乾姜薄桂各五分大棗一枚同煎服一服而病去三分二服而減半四服寒熱止而身尚有微汗減去桂附乾姜一半服二貼全愈

勞極

七十

論

內經曰陰虛生內熱又曰陰氣者靜則神藏躁則
消亡飲食自倍腸胃乃傷又曰有所勞倦形氣衰
少穀氣不盛上焦不行下脘不通而胃氣熱熱氣
薰胃中故內熱是故欲養陰而延生者心神宜恬
靜而毋躁擾飲食宜適中而無過傷風寒暑濕之
謹避行立坐卧之有常何勞怯之有哉今也嗜慾
無節起居不時七情六慾之火時動乎中飲食勞
倦之過屢傷乎體漸而至于真水枯竭陰火上炎
而發蒸蒸之燥熱或寒熱進退似瘧非瘧古方名
曰蒸病或二十四種或三十六種名雖不同証亦

少異大抵不過欬嗽發熱咯血吐痰白濁白淫遺
精盜汗或心神恍惚夢與鬼交婦人則月閉不通
日漸羸漸成勞極之候夫病此者始多求允姑
息日又直至發熱不休形體瘦甚真言已脫然後
求醫治療雖倉扁復生莫能救其萬一良可嘆哉
雖然一人未足憐也况其侍奉親密之人或同氣
連枝之孀薰陶日久受其惡氣多遭傳染名曰傳
屍又曰喪屍曰飛屍曰遁屍曰殞殒曰屍注曰鬼
注蓋表其傳注酷虐而神妙莫能以測之名也雖
然未有不由氣體虛弱勞傷心腎而得之者初起
於一人不謹而後傳注數十百人甚而至於滅族

滅門者誠有之矣然此病最爲可惡其熱毒鬱積
之久則生異物惡蟲食人藏府精花變生諸般奇
狀誠可驚駭是以勞傷于肝膽者則爲毛虫如刺
蝟尾蛆之屬食人筋膜勞傷于心與小腸者則爲
羽虫如燈蛾蚊蚋禽鳥之形食人血脈勞傷于脾
胃者則爲保虫如嬰孩蚯蚓之類食人肌肉勞傷
于肺與大腸者則爲介虫如龜鱉蝦蟹之狀食人
膚膏勞傷于腎與膀胱者則爲鱗虫如魚龍蛟鯉
之形食人骨髓或挾相火之勢亦如羽虫之酷者
鷓鴣之類爲狀不一不可勝紀凡人覺有此證便
宜早治緩則不及事矣治之之法一則殺其虫以

絕其根本一則補其虛以復其真元分經用藥各
有條理務如庖丁解牛動中肯綮無有不安者也
若待病勢已劇元氣已脫雖依古法取虫滋補患
者百無一生但亦可絕後人之傳注耳學者詳之
脉法

脉經曰男子平人脉大爲勞極 虛亦爲勞

男子勞乏爲病其脉浮大手足煩春夏劇秋冬瘥
陰寒精自出足痠軟不能行少陰虛滿

人年五十六十其病脉大者臂俠背行痛苦腸鳴
馬刀挾癭者皆爲勞之得

男子平人脉虛弱微細者喜盜汗出也

男子面色薄白主渴及亡血卒喘心悸其脉浮者
裏虛也

男子脉虛沉弦無寒熱短氣裏急小便不利面色
白時時目瞑此人喜衄小腹滿此為勞使之然
男子脉微弱而澁為無子精氣清冷也

夫失精家小腹強急陰頭寒目眶痛目眩髮落脉
極虛芤遲為消穀亡血失精

脉得諸芤動微緊男子失精女人夢鬼交通

脉沉小遲者名脫氣其人疾行則喘喝手足逆寒
腹滿甚則溇泄食不消化

脉弦而大弦則為臧大則為芤臧則為寒芤則為

虛虛寒相搏此名為革婦人則半產漏下男子
則亡血失精

方法

丹溪方法
凡四條

丹溪曰此陰虛之極痰與血病多有虫者其傳屍
一證不可云無大法四物湯加童便竹瀝姜汁

○身瘦屬火因火燒爍也肉脫甚者難治

○氣血虛甚發熱成勞者補天丸加骨蒸藥佐之

骨蒸藥知母黃柏地骨皮麥門冬秦
尤青蒿鱉甲石膏竹葉烏梅之類

○傳屍勞寒熱交攻久嗽咯血日益羸瘦先以三拗
湯次以蓮心散

○二十四味蓮心散

川歸 黃芪 甘草 炙 驚甲 醋炙
 前胡 柴胡 獨活 羌活 半夏
 防風 防已 茯苓 阿膠 珠炒成 官桂
 黃芩 陳皮 麻黃 根不去 杏仁 研
 芍藥 蓮肉 此味常用 蓮花內鬚
 枳殼 麩炒各 荒花 醋炒黑 撮
 右細切作一服加生姜三片大棗一枚水二盞
 煎至一盞去粗溫服須待吐有異物荒花漸減
 少蓋荒花反甘草所以殺虫炒之所以斷熱去
 寒妙處在此

○青蒿飲子治勞瘵

青蒿 五斗 童便 三
 右以文武火熬約童便減去二斗去蒿再熬至
 一升入猪膽汁七箇或加辰砂檳榔末三五錢
 再熬數沸甘草末收之每服抄一匙清湯點服
 極妙

○白蠟塵一味大殺瘵虫可入丸藥散中用

○秘傳取傳屍勞虫鬼哭飲子

天靈蓋 醋炙 驚甲 醋炙 柴胡 去蘆各
 木香 分一錢二 桃仁 去皮另研 鼓心 醋炙
 青蒿 握 阿魏 錢一 安息香 錢一

貫衆二錢

甘草生用一錢

右十一味細切杵為麤末先以童子小便二升
隔夜浸露星月至四更時煎至八分去粗分作
三服每服調後散子一貼五更初溫服即穩卧
至三點時又進一服至日出時覺腸中欲利如
未利又進一服已利勿服

○散子方用擯柳二錢

辰砂分半一錢 射香另研一錢

赤脚蜈蚣以竹筒盛姜汁浸焙乾一條

烏雞糞二錢半先將雞糞於五日煎以火麻子饒之然後取其糞用

右以五味研為細末和勻分為三貼各入前煎
藥內服凡合上藥宜於六甲建日或除日合之

服前藥必利下惡物併虫以盆盛之急用火燒
殺之或油煎殺之其病人所穿衣服及薦褥盡
易燒之食葱粥將息以復元氣服藥後或夢人
哭泣相別是其驗也如取下虫視其色青赤黃
者可愈黑色者難療也雖虫老病不可療亦能
絕後人之傳注耳合此藥時不可容孝子婦人
鷄犬見之及不可令患者知之與聞其氣息虫
聞氣變化難取也

○治癆瘵取虫經驗天靈蓋散

天靈蓋二指大用白檀香煎湯洗酥炙黃色 擯柳五箇為末 阿魏二錢細研

射香細研三分另 辰砂另研一錢 甘遂連珠者二錢為末

安息香三分細研

右七味各研極細和勻每服三錢後湯調下

薤白二七 青蒿二七 甘草五寸 葱白二七

桃枝 柳枝 桑枝 酸石榴枝

梅枝各七寸已上五枝俱取向東南者

右七味用童子小便四升於銀石器內以文武火煎至一升去粗分作三盞調前藥末服五更初服一盞服後如覺欲吐以白梅肉嚼止之五更盡覺臧府鳴須轉下虫及惡物黃水若一服未下如人行五七里又進一服至天明又進一服如瀉不止用龍骨黃連等分為末熟水調

五錢或吃白粥補之此藥男病女煎女病男煎不可令患者知及不許孝子僧人鷄犬見之

○射香散治男子婦人骨蒸發熱五勞七傷等証

天靈蓋半二錢 柴胡兩一 犀角屑兩半

甘草三 東引桃枝 東引柳枝

東引榴枝 青蒿各一 阿魏一錢

薤白 葱白各七 射香二錢

右細切杵為麤末用童便二升半浸藥一宿明日早煎至一升半去粗分作三服每服入檳榔細末三錢溫服五更初進一服約人行五七里再進一服若惡心兀兀欲吐嚼白梅止之三服

後瀉出惡物異虫或身如蟻行不可名狀後用
葱粥止之忌風一月及忌食油膩濕麩醃酸併
牛羊鷄猪犬肉魚腥年遠重病不過二服全安
脩合此藥時男病女煎女病男煎忌猫犬雞鵝
鴨驢馬僧尼孕婦孝子見之凡取虫後須以後
大補苾神散補之

○取屍虫神仙秘方

青桑枝

柳枝

梅枝

桃枝

石榴枝

各七莖俱長七寸皆取東引者青蒿

葱白莖七

阿魏一錢

研安息香一錢

研右除阿魏安息香二味外餘藥用童小便一升

半煮去一半去粗將藥汁阿魏安息香細研再

煎十數沸分作二服調

辰砂末

檳榔末

各五

射香少

右三味亦分作二服入煎湯五更初進一服三

點時又進一服至巳午晚必取下虫其嘴紅者

可治青黑者不治但可絕後人之傳注耳取虫

後進軟粥温和將息忌食生冷毒物仍服帛丸

子法凡合此藥不可令患者先知氣味亦不得

令猫犬孕婦孝子僧尼等不祥人見之

○神授散此方得之方河南都王府濟世既久功不

可述也

川椒二斤擇去閉口者與梗略炒出汗

右一味為細末每服二錢空心米湯送下或用酒米糊為丸如梧桐子大每服二三十丸漸加至八九十九空心酒下或米湯下凡人得傳尸勞病氣血未甚虛損元氣未盡脫絕者不須多方服食但能早用此藥無有不愈者真濟世之寶也

愚嘗治一婦人用花樹二分若練根一分九服死虫盡從大便泄出

○治勞極禁方無比丸一名紫河車丸一名調鼎方 ○傳屍勞瘵

其餘勞怯之紫河車一貝初生者佳或無病壯証一月平安者亦可一說男病用女病用男者若不可得亦不必拘束米醋浸一宿焙乾用

草龍膽 甘草各二錢 鱉甲酥炙 桔梗

胡黃連 大黃酒拌 苦參 黃柏一本黃

知母去毛 貝母去心 秋石另研不必用煎煉者但尿缸上凝結

多年者亦可又名人中白長流水洗淨用已上各二錢半 犀角屑

蓬莪朮 硝石各半 辰砂另研 敗鼓皮心一本

敗心一註故用本草謂鼓心通靈能逐飛

右共為細末煉蜜為丸如梧桐子大辰砂為衣每服二十九加至三十九溫酒送下腸熱食前脯熱食後服

○秘傳取勞蛋禁方

啄木禽一隻 右用硃砂四兩精猪肉四兩將肉切作片子其硃砂杵如菘豈大塊二味拌勻餒

禽一晝夜食肉盡為度以塩泥固濟其禽在內
剛火煨一夜來日不見大陽取出不得打破埋
入地中二尺許一晝夜取出去塩泥銀石器內
研為細末以無灰酒入射香少許作一服調下
置患者在帳中四下緊閉用鐵鉗等候其虫必
從口鼻中出即以鉗鉗入沸油中煎殺之如虫
出之後便進局方嘉禾散一服軟粥將息

○紫河車丹治飛屍鬼注虛勞羸瘦喘嗽痰氣等証
其法取首生男子胞衣以皂用水洗淨次放銅
銚子內以米醋揲洗控乾做一小篋籠子盛之
圍以紙密糊之不令泄氣以烈火焙乾加入後

藥

人參半一兩

白朮兩一

木香

白茯苓各半兩

茯神

川歸

熟地黃各一兩

乳香各四錢

沒藥

另研四錢 硃砂另研二錢 射香分二

右為細末和勻酒糊為丸如梧桐子大每服五
十九煎人參湯送下日三服空腹服之煉蜜為

丸服亦可

○治虛勞柴胡散

柴胡

人參

茯苓

桔梗

芍藥

川歸酒浸

青皮去白

麥門冬各三分

甘草一分

右細切作一服杵細水一盞煎七分溫服

○治虛勞驚甲散

驚甲大者一箇醋煮 柴胡去蘆 川歸 甘草炙

桔梗 芍藥 人參各一兩 射香五分 杏仁去皮尖炒另研

胡黃連各二錢 官桂半兩去麋皮 地骨皮

宜黃連各二錢半 真酥三兩 木香半兩 白沙蜜三兩

右為細末用青蒿一升童便五升熬青蒿汁約二升瀉去粗入酥蜜再熬成膏候冷入藥末攪和為丸如梧桐子大每服十五丸溫酒送下米飲亦可日進三服如秋冬時更入桃柳心七箇與前柴胡散同煮間服之

○去三屍九虫貫衆丸

貫衆五分殺尸虫 白藿蘆三分殺尸虫 乾漆炒三分殺白虫

厚朴三分殺肺虫 狼芽子四分殺胃虫 殭蠶四分殺腸虫

雷丸六分殺赤虫 雄黃三分殺尸虫

右件焙乾炒令黃色研為細末煉蜜為丸如梧桐子大新汲水下五丸三服後漸加至十丸服之二十日百病皆愈三屍九虫盡滅更無傳注之患耳

○治勞嗽輕骨散

烏梅 龍膽草 胡黃連 具丑

知母 驚甲炙 桔梗 秦艽

柴胡

甘草 炙

桅子

人參

青蒿

酒

阿膠

炒成

杏仁

去皮

右件各等分晒乾為末用好京墨一塊以井花水磨調前藥末作餅子如大指頭大透風處陰乾二七日每用一餅以井花水磨化又用沒藥五分磨成一盞更加黃栢末二錢同煎數沸傾入盞內頻頻打轉於五更時輕輕起服服後就睡仰卧甚者不過三服

○治勞嗽蛤蚧散

白茯苓

一兩去皮細切

桑白皮

二兩以真

知母

二兩去毛用酥

杏仁

六兩去皮尖及双仁者

甘草

三兩酥炙

貝母

二兩用酥

蛤蚧

唯雄一對入酥內浸透慢火乾再

人參

一兩用酥炙三五

乳酥

真者四十兩切作散子大塊入鉢內溶成

醋不宜太多則稀不堪用

右為末每服二錢水一盞煎至七分和粗服忌油膩生冷毒物如久患嗽者初服此藥必聞嗽加甚須勤服久則可安須自保養為妙

○治勞熱蛤蚧飲子

蛤蚧

一對洗淨酒

黃芩

兩

麻黃

根節

胡黃連 秦艽去蘆 甘草生 生地黃酒浸

熟地黃酒洗 青蒿 人參 柴胡去蘆

知母酒洗 貝母 杏仁去皮尖及雙仁者炒

鱉甲酥炙 桔梗 草龍膽 木香各二錢半

右為細末每服二錢加烏梅姜棗煎服

○附蒸病

○古今治驗五蒸湯

人參 知母 黃芩各一錢 竹葉七

生地黃 乾葛各一錢半 茯苓一錢 甘草炙半

石膏二錢半 粳米合

右細切先以水三盞煎小麥二合至二盞去麥

煎藥至一盞溫服隨證加減于後

實熱加黃芩 黃連 黃柏 大黃

虛熱加烏梅 秦艽 柴胡 蛤蚧

青蒿 牡丹皮 鱉甲

○肺蒸鼻乾加烏梅 天門冬 麥門冬 紫苑茸

大腸蒸右鼻孔乾痛 加大黃 芒硝

皮蒸舌白唾血 加石膏 桑白皮

膚蒸昏昧嗜臥 加牡丹皮

氣蒸鼻乾喘促 加入參 黃芩 梔子

○心蒸舌乾 加黃連 生地黃

小腸蒸下唇焦 加赤茯苓 生地黃 木通

血蒸髮焦加生地黃 當歸 桂心 童便

脉蒸唾白浪語麻絡加當歸 生地黃

○脾蒸焦唇加白芍藥 木瓜 苦參

胃蒸舌下痛加石膏 粳米 大黃

芒硝 乾葛

肉蒸食無味而嘔加白芍藥

○肝蒸黑眼加川芎 當歸 前胡

膽蒸眼色白加柴胡 括萎

筋蒸甲焦加川歸 川芎

三焦蒸乍熱加石膏 竹葉

○腎蒸兩耳焦加生地黃 石膏 知母

寒水石

膀胱蒸右耳焦加澤瀉 茯苓 滑石

腦蒸頭眩熱加生地黃 防風 羌活

髓蒸髓沸骨中熱加生地黃 當歸 天門冬

骨蒸齒黑腰痛足食藏加鱉甲 地骨皮 牡丹皮

當歸 生地黃

醫蒸肢細肢腫加石膏 黃柏

胞蒸小便赤黃加澤瀉 茯苓 生地黃

滑石 沉香

○卅溪活套云勞極之証五藏必歸重於一經假如足脛痠疼腰背拘急遺精白濁面色黧黑耳輪

焦枯脉沉細數知其邪在腎也宜以四物湯加
知母黃柏五味子麥門冬天門冬澤瀉杜仲肉
桂之類煎入童便韭汁竹瀝服○其或心神驚
惕怔忡無時盜汗自汗心煩熱悶口舌生瘡咯
血面赤脉洪而數知其邪在心也宜以前方去
杜仲澤瀉肉桂加茯神胡黃連蓮心遠志菖蒲
硃砂之類○其或嗽欬喘促衄血軟血皮膚枯
燥鼻塞聲沉時吐痰沫脉微虛而濡數知其邪
在肺也宜以四物湯加沙參麥門冬五味子知
母貝母桔梗桑白皮地骨皮款冬花紫菀馬兜
鈴百合百部之類煎入童便竹瀝姜韭汁服○

其或脇痛目赤面青頰赤多怒虛陽不斂夢與
鬼交甚則卯縮筋急脉弦而數知其邪在肝也
宜以四物湯加竹茹草龍膽柴胡黃芩青皮竹
葉之類○其或面色萎黃唇焦燥飲食無味
腹痛腸鳴瀉利四肢倦怠脉虛濡而數知其邪
在脾也宜以四君子湯加酒炒白芍藥蓮肉薏
苡乾山藥猪苓澤瀉白篇豈之類○凡骨蒸勞
熱元氣未脫者灸崔氏四花六穴無有不安者
也

○灸崔氏四花穴法

先二穴令患人平身正立取一細繩蠟之縮於男左

女右脚底貼肉堅踏之其繩前頭與大拇指端
齊後頭循當脚根中心向後引繩從脚膈肚貼
肉直上至曲脊中大橫紋截斷橫紋即委中穴又令患
人解髮分兩邊令見頭縫自顛門平分至腦後
却平身正坐取向所截繩一頭令與鼻端齊引
繩向上正循頭縫至腦後貼肉垂下循脊骨引
繩向下至繩盡處當脊骨中以墨點記之墨點不是
灸又取一繩子令患人合口將繩子按於口上
兩頭至吻却鈎起繩子中心至鼻柱根下如△
此便齊兩吻截斷將此繩展令直於前量脊骨
上墨點處橫量取平勿令高下其量口繩子先

記之却展開繩子橫量却以中權墨點
記處按於脊骨中先點處兩頭是穴也

兩頭以白圈記之 以上是第一次點二穴

次二穴令患人平身正坐稍縮臂膊取一繩繞項向
前雙垂頭與鳩尾齊前岐骨也雙頭齊截斷却
翻雙繩頭向後以繩子中心按於喉嚨結喉骨
上其繩兩頭雙垂循脊骨以墨點記之墨點不是灸處
又取一繩子令患人合口橫量齊兩吻截斷還
於脊骨上墨點橫量如法繩子兩頭以白圈記
之白圈是灸處

以上是第二次點二穴通前共四穴同時灸
各三七壯累灸至一百餘壯候灸瘡將瘡又

依後法灸二穴

又次二穴以第二次量口吻繩子於第二次雙繩頭
盡處墨點上當脊骨直上下豎點其繩子中心
放在墨點上於上下繩頭盡處以白圈記之白
圈是灸處也

以上是第三次點二穴也通前共六穴也擇
取離日及火日灸之一應虛勞發熱疝羸等
証灸之立愈真濟世之妙法也

四花六穴人形圖式



白圈是穴黑點不是穴

6276
53

新編醫學正傳卷之三終

正傳三

九



